

# *GO NE TSEL A E NNOSI*

## *E FILWEGO KE MODIMO*

### *BAKENG SA E KA BA ENG*

Ke a go leboga, Ngwanešu Carlson. Ka kgonthé go bose go kopana le wena, gomme Morena a go šegofatše. Mantšiboa a mabotse, bagwera. Bjale, pele re dula fase, a re nong go bolela le Kgoši ye kgolo ye bohole re lego mo go e rapela.

Tate wa rena wa Legodimong, re leboga monyetla go ba morago gape ka go toropokgolo ye kgolo ye, Chicago, go kgobokana mo le bao ba letetše go Tla ga Morena Jesu. Gomme re a rapela, Tate, bjalo ka ge matsapa a rena a beilwe pele, ka go bobedi monna le basadi, bašemane le basetsana, go bona tsošeletšo goba go hudua, mohlomongwe go bitsa ka gare ba sego nene gape ba ba tlogetšwego ntle ka toropongkgolo. A nke ye e be nako ye kgolo yela ge ya mafelelo e tla biletšwa ka gare pele kahlolo e ratha naga ye. Tate, re a dumela gore go sa le bontši bo letile, gomme re a ba tsoma. Ba romele ka gare, nako ye, Tate. E fe, gore ba ke ba amogelete Kriste, gomme ba balwe magareng ga bakgethiwa bale bao ba tla tšewago go tloga ka go Tthatlogo ye kgolo ye e robetše ka moso. E fe, Morena.

Matsapa a ao re a beago pele, gomme a beilwe pele ke wa rena Ngwanešu Carlson le ka moka ga bona mo, gore, lefelo le ba le fetotše go tloga go ntlo ya kgale ya wisiki le arena ya go katana, go ya ka go ntlo ya Morena. Morena, a nke e be segopotšo le kemedi ya tshokologo ya badiradibe, go Kriste.

Re kwe, Tate, ka go dilo tše, go fodiša balwetši le go dira dilo tše kgolo tše tše re di kgopelago, ka gore ke Leineng la Jesu Kriste, le bakeng sa tlhompho ya Gagwe le letago, re a e kgopela. Amene.

Le ka dula. Ke a le leboga, kudukudu.

Ka mehla ke monyetla go tla Chicago. Ka mehla ke ikwetše ka tsela yeo. Ga se ka ba mo nako ye nngwe, gobane ga ke sa dula mo gape, ke—ke dula ka Arizona, ka Tucson. Gomme re fa ka Jeffersonville, maikhutšong a selemo, gomme ke tloga fa ka Mošupologo mosong. Gomme ka pela ge ke fihla gae, dilo di ntetetše go ya morago Tucson gape.

Gomme, eupša, ke mo go dira ditheipi, Melaetša ye ke e romelago kgole godimo ga ditheipi. Gomme Morena o be a re šegofatše. Lamorena mosong re bile le Molaetša wa diiri tše nne. Ga ke letele go dira seo fa. Eupša diiri tše nne go kutollo

semenwagararo ya Jesu Kriste go beng... Sephiri sa Modimo se se utilwego go tloga motheong wa lefase. Gomme Morena ka kgonthe o re šegofaditše. Re bile le ditšhegofatšo tše kgolo, gomme Modimo o fodišitše balwetši magareng ga rena.

<sup>7</sup> Di se kae, e ka ba dibeke tše tharo tša go feta, ge ke be ke bolela, monna a eme pele ga rena, ya gagwe... Ke monna wa Moisimane. Mosadimogatša wa gagwe ke Monorwegian. Gomme ke mooki yo mokaone kudu, gomme ke monna yo mokaone kudu. Gomme ka fao, monna, ke be ke bolela ka tswalolemolato. Gomme monna o bile mohuta wa go e ganetša, ge ke e boletše. Gomme ke mmuditše mengwaga ye mmalwa ya go feta, ge la mathomo ke kopana le yena, gore, "O be a tshwenywa ke go ngongorego ka pelong ya gagwe." Ga se a ke a nyaka go dumela seo, ke a nagana, la mathomo, gomme ka gona mafelelong ngaka e mmuditše gore o be a na le ngongorego ka pelong ya gagwe. Gomme mosong woo o be a le mohuta wa go kgeiga gannyane. Gomme ge ke boletše seo, o ile a se nyatša, gomme ka pela a wa a hwile, thwi godimo ga lebato, a wela ntle ka lebatong. Gomme mosadimogatša wa gagwe o ile tlase go mo lekola, gomme o be a ile.

<sup>8</sup> Gomme ke ile ka swanelwa ke go homotša batheeletši, gomme ka gona ka gatela go tloga sefaleng, ka ya fase mo a bego a le gona, ka tsea morethetho wa gagwe. Go be go se morethetho. Gomme mahlo a gagwe... Le a tseba, ge pelo e ema, mahlo a fofela morago. Gomme ka leka go goga mahlo a gagwe, ka mmona ka leemong leo, gomme ka tseba gore o be a ile. Gomme Morena Jesu o rile, "Bolela."

Gomme ke rile, "Morena Jesu, mo fe morago bophelo bja gagwe."

O lebeletše godimo go nna, o rile, "Ngwanešu Branham."

<sup>9</sup> Gomme o a phela, bošegong bjo, gomme ka kgonagalo o tla tsenela kopano ye. O be a di tsenetše thwi mmogo. Gomme o tla dira, ka kgonagalo. Ga ke mmone fa bošegong bjo. Mna. Way, a o mo? Ga—ga ke... Gobaneng, o dutše thwi mo pele ga ka. Ya, ya, thwi mo pele ga ka. Ke be ke sa tsebe seo. Gomme bjale šo yena bošegong bjo, o phelegile kudu. A o ka no emelela gore batho ba kgone go bona gore Modimo o kgona go tsoša bahu, go tšwa...? Gomme mosadimogatša wa gagwe, mooki yo mokaone wa Monorwegian. A reta Morena!

<sup>10</sup> A mosadimogatša wa gago yo monnyane wa go ratega o na le wena? [Ngwanešu Way o re, "Aowa, o hlokomela motho yola wa go babja, Ngwanešu Branham."—Mor.] O ile go hlokomela... go hlokomela balwetši. Mosadimogatša wa gagwe ke motho wa go ratega kudu yo a lekago go hlokomela balwetši. Seo se ka pelong ya gagwe. O a oka, kgafetšakgafetša. Gomme o hlokomela... ba bangwe ba balwetši ka morago bjale. Gomme kafao re leboga Morena kudu.

<sup>11</sup> Bjale, nna, go tleng ka gare, ke kwele Ngwanešu Vayle a bolela feela pele ga ka. Gomme ke tla leka bošego bjo bongwe le bjo bongwe go tšwela ntle ka pela ka kgonthe, ka pela ka fao nka kgonago. Gomme ke tla be ke rapelela balwetši, gomme feela ge Morena a tla eta pele; le go kgopela Modimo go šegofatša Ngwanešu Carlson le sehlopha sohle mo, ka Chicago, ba ba letetšego go Tla ga Morena.

<sup>12</sup> Mohlomongwe moragwana gannyane mo bekeng, nka le botša pono ye ke bilego le yona mosong wo, gannyane morago ga go hlaba ga letšatši, feela ge ke thoma go tla godimo mo, mabapi le se; gomme mohlomongwe nako ye nngwe ge ke hwetša nako ye ntši gannyane mo bekeng, Morena ge a rata.

<sup>13</sup> Bjale, ke ba bakae ba lego fa bao ba sa nkago ba ba ka go ye nngwe ya dikopano pele, a re boneng diatla tša lena, bao ba sa nkago ba ba ka go ye nngwe ya dikopano. Gabotse, gabotse, re thabile go ba le lena fa ka go tabarenekele ye nnyane ye, bošegong bjo, le ka go arena ye, moo ke naganago e kile ya šomišwa bakeng sa go katana (a e be e se yona?) goba go dira matswele, le go ya pele.

<sup>14</sup> Ke a elelwa ke rerile mo, e sego kgale kudu, ka Vincennes, Indiana . . . Evansville, Indiana, a ke re, moo ke ilego ka go Golden Gloves, bjalo ka—ka segotlane. Ka gona ke swanetše go lwa ka dintweng tša profešenale, bjalo ka mošemane, gomme ke thopile dintwa tše lesometlhano tša go otlologa tša profešenale. Gomme ke lahlegetšwe ke e tee, gomme yeo e bile ka go maleka ka Evansville, Indiana. Gomme ka go arena ya go swana, moo ke lwelego le monna yo, ke ile morago ke rera Ebangedi. Ke rile, “Bjale ke a lwa, e sego le ngwanešu wa ka, eupša diabolo yo a bego a tlema ngwanesu wa ka.” Yeo ke . . .

<sup>15</sup> Gomme ka fao ke rena ba bošegong bjo, gomme lefelo le fetoletšwe go tloga go leka go tlemana seng ka mahuto a go katana, le go leka go tlema diabolo ka lehutong le le bjalo, ka Lengwalo, a ka se kgone go tšwela ka ntle ga lona go fihla a tšeа go bala. Yeo ke nnete. Gomme bjale re a rapela gore Morena o tla re thuša go dira se.

<sup>16</sup> Feel a gape bjale, a go ka ba le e ka ba ofe, feela pele re bala Lentšu, go rata go gopolwa ka thapelang? E no phagamiša seatla sa gago. Ke a tseba go a fiša ka mo bošegong bjo, ke ka baka leo re tla potlakago.

<sup>17</sup> Gomme, elelwang, etlang morago gosasa bošego. Gomme leo ke Laboraro bošego, Labone bošego, Labohlano bošego. Gomme ke a nagana, Mokibelo mosong, ke e bone mo lenaneong, bakeng sa difihlolo tša Banna ba Kgwebo, Mokibelo mosong. Mokibelo bošego, ka Lane Tech High School. Gomme Lamorena, Lamorena morago ga sekgalela le Lamorena bošego, mo. A re . . .

<sup>18</sup> Eng? [Ngwanešu o re, “Mohuta wa go bolela kudu ka go segodišantšu se.”—Mor.] Ka go se? Go lokile. [“Se thwi fa.”] Ee.

A le kgona go kwa seo bokaonana? [Phuthego e re, “Ee.”] A seo ke? Seo se kaone. Go lokile, mohlomphegi, Ke tla elelwa go ema ka lehlakoreng *le*.

Bjale a re inamišeng dihlogo tša rena.

<sup>19</sup> Bjale, Tate wa Legodimong, ge re batamela iri ye, moo monna le basadi ba swanetšego go dira kgetho, re a lemoga gore re ka se kgone go ya ka ntle ga moago wo go swana le ge re tsena. Re ka se tsoge ra tsena Ntlong ya Morena, le go ya ntle go swana; re ya bokaonana goba go befa. Efa, Morena, gore re kgone go ya ntle, bošegong bjo, bokaonana go feta re be re etla ka gare.

<sup>20</sup> Gomme mantšu a a sego makae a, le dihlogo tše, Mangwalo ao ke a ngwadilego fase mo bakeng sa Molaetša wo monnyane, bošegong bjo, a nke e be go tlhompho ya Kriste. A nke batho ba Gagwe, ka go Le kwa, ba amogelete tumelo, ka gore ka therešo re a dumela re phela ka diiring tša mafelelo tša letšatši la mafelelo. Letšatši le be le dikela lebakana. Pelofalo ya Modimo e le swere. Ke meriti e a kgobokana bjale. Gomme re a rapela, Modimo, gore O tla re dumelala go lemoga se go feta go kile pele mo bophelong.

<sup>21</sup> Šegofatša batho bale ba phagamišitšego diatla tša bona. Lebalela dibe tša rena. Re fe tumelo ka go Lentšu la Gago le go Tla ga Morwa wa Gago. Ka gore re e kgopela Leineng la Gagwe le bakeng sa letago la Gagwe. Amene.

<sup>22</sup> [Yo mongwe o re, “Gomme ba botšišitše ge eba o tla rapela. Go na le mohumagadi ka morago, o be kudu, a babja kudu, gomme o idibetše.”—Mor.] Nakwana feela. Go na le mohumagadi moragorago ka morago, yo a idibetšego, ke a dumela ke yena, gomme o a babja. A re nong go rapela.

<sup>23</sup> Tate wa Legodimong, Leineng la Jesu Morwa wa Gago, a nke maatla ao a tsošitšego lesogana lela bošegong bjola, yo a dutšego bošego bjhole botelele, a theeditše Paulo a rera, a nke maatla a a swanago ao a mo tsošeditšego go ga phelega gape, a nke e dire ka go swana bakeng sa yo kgaetsedi wa rena yo a idibetšego, mohlomongwe ka lebaka la phišo, gomme o morago kua o a babja. A nke Moya wo Mokgethwa, Morena, wa Bophelo, o tle godimo ga gagwe gomme o tiše bophelo bja gagwe bja go hwa. Efa se, Morena. Re e neela go Wena bjale, Leineng la Jesu Kriste Morwa wa Gago. Amene.

<sup>24</sup> A nke ke kwe go tšwa go lena. Ge e eba gamcempe, ke tla ya morago le go mmona.

<sup>25</sup> Bjale godimo ka go Puku ya Mokgethwa Johane, tema ya 12 gomme temana ya 32, ke rata go bala bakeng sa karolo ye nnyane ya Lengwalo, feela ka tsela ya go dira sehlogo, go aga kgwekgwe. Gomme ke a bona gore go bothata go lena go nkwa, nka kgona go bolela ka tsela ye le dirago, modumo morago ka—ka moagong, gomme ke tla leka go bolela feela ga bonolo ka fao nka kgonago. Ke nyaka go bala sehlogo se, Jesu a bolela:

Ka gona *Nna, ge Ke phagamišeditšwe godimo go tšwa lefaseng, ke tla gogela motho bohole go nna.*

<sup>26</sup> Ke nyaka go tšea se bakeng sa sehlogo: *Go Ne Tsela E Nnoši E Filwego Ke Modimo Bakeng Sa E Ka Ba Eng.* Tsela e nnoši Modimo a e filego go kopana le se sengwe le se sengwe. Bjale, tsela efe kapa efe ye nngwe, ntle le tsela ye, e tla ba tsela ye e fapogilego, go ya Modimo. Modimo a ka kgona feela go ba le tsela e nnoši go dira eng kapa eng. Tsela ya Gagwe ya mathomo ka mehla ke tsela e nnoši A ka tsogego a e dira. Ka gore, Modimo, go direng kgetho goba sephetho, o swanetše go dula le sephetho seo go ya go ile. Gomme ge A fetola sephetho seo, bakeng sa tsela ye kaonana, gona go laetša gore Modimo ga se Modimo, Yena ga se mohlokamagomo, O hweditše se sengwe se sekaonana go feta A tsebile lefelong la pele. Yena, Yena ga a fetoge. O dira ditsela tša Gagwe go phethagala. Mantšu a Gagwe a phethagetše. Gomme tsela efe kapa efe ye e tlošago, goba e oketšago, eng kapa eng ye Modimo a e filego, e fošagetše.

<sup>27</sup> Ke a dumela, ka go Puku ya mafelelo ya Beibele, e bitšwago Kutollo, go ngwadilwe, “Ge motho e ka ba mang a ka oketša lentšu le tee, goba a tloša Lentšu go tšwa go Lona, ya gagwe ya go swana, karolo ya gagwe e tla tlošwa Pukung ya Bophelo.”

<sup>28</sup> Gomme bjale, kagona, Modimo o dirile tsela, gomme tsela ya go phethagala, gomme re swanetše go sepela thwi le yona, e sego go leka go Le dira bokaonana bjo bo itšego, e sego go leka go tloša e ka ba eng go Lona, go hlabela e ka ba eng, goba go tloša e ka ba eng go Lona. Re swanetše go Le tšea feela ka tsela ye Modimo a Le beilego. Eng kapa eng gape e fošagetše.

<sup>29</sup> Ebile le ka go Puku ya Genesi, mathomong, Modimo o rile, ka go Genesi 1, go bolela ka tlhago. O rile, “A peu ye nngwe le ye nngwe e hlagiše pele mohuta wa yona.” Peu ye nngwe le ye nngwe e swanetše go dula ka go mohuta wa yona. Bjale, go fetola seo, e tla ba go dira se sengwe Modimo a rilego go se se dire.

<sup>30</sup> Gomme bjale re hwetša, gomme bjale lebelelang motho, se a se dirilego ka go tshela tsela ya Modimo ya bophelo. Re nyaka go tšea se bakeng sa bokamorago, go bolela se ke nyakago go se bolela go lena ka Morena Jesu. Le a bona, ge motho . . . Ge Modimo a dirile peu, O e dirile e phethagale, gomme bjale motho o lekile go hlabela se sengwe go peu yeo.

<sup>31</sup> Mohlala, lehono, go tleng godimo, ke lemogile ka borwa bja Indiana, le gohle godimo go kgabola Indiana, le mabapi, go bile le, se re se boletšego, “lehea la motswako.” Gomme a tsebe ye kaone ye kgolo yeo lehea le lego, eupša ga se la loka e ka ba go fe. Le lebega bokaonana, eupša ga se le lekaonana. Ka go felela ga la loka le gatee.

<sup>32</sup> Gomme re hwetša, gore ka go tswaka mantswiana, re hwetša gore . . . A le bile yo mongwe le yo mongwe a leka go ja kgogo ya go gadikwa mo matšatšing a? Gabotse, o ka se kgone go e

dira. E—e nkga le go latswega feela boka, ke ra, e latswega bjalo ka kgogo ye e nkgago. Kafao ke eng? Go ne batho ba makgolo seswai ba robetše ba babja ka Jeffersonville, Louisville le New Albany, bjale, go tšwa go jeng mae go tšwa go dikgogo tša go tswakwa. Le a bona, ba tšere kgogo gomme ba e tswadiša ditsela tša go fapana.

<sup>33</sup> Gomme ka gona, selo se sengwe, ba ya lefelong mo ba peitago ka dilo tše tša monang, le go tšea DDT ye. Dikgogo le diphoofolo di topa yeo.

<sup>34</sup> Ka kgonthe re phela mo letšatšing la mafelelo. Ba tswalanya dilo tša go fapana mmogo, go tswakanya, gomme e dira se—se—se setšweletšwa seo se sego sa loka.

<sup>35</sup> Ka go dira se, ke be ke bala ka go tšenale ya dihlare, ke a dumela e be e le, gomme ka gona ka go *Reader's Digest*, ga ka fao e fetotšego tsela ya bophelo go batho. Ebile go fapoša monna le basadi, gore monna o ba kudu bjalo ka basadi, le basadi go swana le monna. Banna ba ba bo—bo bosetsana, gomme—gomme basadi ba ba bonna. Ke selo sa motswako. Le a bona, sele yeo re e jago go tšwa go phoofolo ye e tswakilwego, gabotse ga se sele ya maleba go rena. Kagona, go direng seo, le a bona, sele yela go tšwa go phoofolo, goba sele go tšwa go korong, goba go tšwa go lehea, ga se sele ya maleba.

<sup>36</sup> Gore go dirwe ye e gole, e lebege boka ye kgolwane, e swanetše go peitwa nako yohle.

<sup>37</sup> Bjale, semela sa mmapale, semela se sebotse sa go phelega, ga se a swanela go peitwa le gatee. Ga go dithokga tše di tla se tshwenyago, ka gore se na le sethibedi, ka bosona, seo se se ntšhago, seo se tloša dithokga tšohle go tloga go sona. Bjale, yeo ke tsela ya Modimo.

<sup>38</sup> Se se tlišitšego bolwetši ka lefaseng e bile sebe. Ge motho a wele go tloga go tsela ye e filwego ke Modimo, o ipuletše yenamong go diabolo yo mongwe le yo mongwe a bego a le gona, go go babja, le go ya pele. Gobane, o swanetše go boloka sehlare, le go peita, gomme e no ba moloko wo mongwe le wo mongwe o tswakanyago ka go wo mongwe. Bjale o ka no ba Mokriste, gomme mosadimogatša wa gago a ka no ba Mokriste; eupša ditlhako tša mmele wa gago e sa le leabela go tšwa go tatago le rakgolo wa gago, le go ya pele go theoga. Bjalo ka ge Daniele a rile, “Moloko wo mongwe le wo mongwe o tla fokolafokodi le bohlalehlale.” Gomme e na le moloko ka moka, moloko ka moka wa batho, o a hwa.

<sup>39</sup> E no naganang, mengwaga e se mekae ya go feta, ga se wa tsoge wa kwa ka e ka ba mang a gobatšwa a raloka peisipolo. Bjale ba swanetše go šomiša sekokoro, go ropa ka sona, ba bolaya ba bantši kudu ngwaga wo mongwe le wo mongwe. O itia monna, ke yo boleta kudu, o bjalo ka kolobe ya diteko, o no hwa gonabjale. Gomme le a hlokomela, gape, ba be ba fela . . .

<sup>40</sup> Go swana le tša matswele tše, ke a dumela e be e le Bob Fitzsimmons le Corbett, ba lwele ditikologo tše lekgolo le masomepedi tlhano. Bjale ditikologo tše pedi go ya go tše lesome, gomme morago o swanetše go šoma godimo ga bona lebaka la kgwedi go ba bušetša morago bophelong gape. Gomme ka gona ba be ba elwa ka matswele a go ponoka, gomme bjale re na le mafofa go dikologa diatla tša rena—tša rena ge re elwa. Gomme bjale ba ya go swanela go emiša papadi, ke ka gobane nako le nako ge o betha yo mongwe, go nyakile go mmolaya. Le a bona? Gomme le a bona, lena, ke . . .

<sup>41</sup> Gomme moloko ka moka o ile. Ga go kholofelo ye e šetšego. Se sengwe le se sengwe se mafelelong a sona: dikgomo, lehea, se sengwe le se sengwe.

<sup>42</sup> Bjale, o ka se kgone go tšea semela seo se bjetšwego, le go se tswakanya ka go se sengwe, go se tliša morago gape le go se bjala, se ka se e dire. Se ka se itšweletšegape sonamong. Se ka se kgone. Gobane, Molao wa Modimo o sa eme go swana, "Peu ye nngwe le ye nngwe e swanetše go tšweletša mohuta wa yona." Ge e se yona, ke peu ya motswako le bophelo bjo bo fapogilego, gomme ka pela e tla hwa. O bjala lehea la motswako, le tla fihla feela kgauswi le moo tsebe e swanetšego go tsena, e tla fetoga serolwana le go ya morago.

<sup>43</sup> Bjale yeo ke tsela ya go swana yeo ba e dirilego ka diphoofolo. Ba e dirile ka dipeu. Ba e dirile ka se sengwe le se sengwe gape.

<sup>44</sup> Gomme ba e dirile ka kerekeng. E leka go dira kereke ye botsebotse, lefelo le lekaonana, se—se selo se sebotse, dilo tše kgolo. Ba e tswakile, ka go e hlakanya le mohuta tsoko wa dithuto tša madirwakemotho, le go ya pele, gomme e ya godimo go Lentšu, moo Le ka go itšweletša lonamong gape, gomme la hwa gape. Le a bona? Gomme go na le . . . Gabonolo o no . . .

<sup>45</sup> Go ne tsela e tee go dira e ka ba eng, gomme yeo ke tsela ya Modimo. Gomme ka ntle ga yeo, e tlogile yohle, gobane e ka se itšweletšegape yonamong gape. Ke na le Mangwalo a dilo tše, go netefatša gore e swanetše go ba mo ka matšatšing a mafelelo.

<sup>46</sup> Ge ke kwele seemo sela sa lee letšatši le lengwe, ke ile morago ka pukung ya ka moo Morena a boletšego le nna ka 1931, gomme fale ke ngwadile ka pukung ya ka, "Ka matšatšing a mafelelo, sebotša batho go se je mae goba go phela ka moeding." Gomme, le a bona, e sego go tseba gore go wa le dilo e tla ba eng, le a bona, eupša go le bjalo Morena o sebotšapele gore, moragorago mengwaga ye masometharo ya go feta, le a bona, "E sego go phela ka moeding, ka matšatšing a mafelelo," gomme, "Le se je mae," se sengwe le se sengwe se tla ba mpholo. Le a bona? Gomme seo e no ba se se diregilego. Bjale eleletšang seo, mengwaga ye masometharo le metšo ya go feta.

<sup>47</sup> Lentšu la Modimo ke peu. Jesu o boletše bjalo, gore, "Lentšu la Modimo e be e le Peu yeo mobjadi a e bjetšego." Gomme Ye ke

Peu e nnoši yeo e tla tšweletšago Bophelo bjo Bosafelego. Bjale re ka ba le mehuta yohle ye mengwe ya bophelo, eupša bophelo... bophelo bja kereke, bophelo bja legae, bophelo bja lapa, bophelo bja setšhaba. Eupša Bophelo bjo Bosafelego bo nnoši bo tla ka Lentšu la Modimo. Yeo ke—yeo ke Peu e nnoši yeo e ka go tšweletša Bophelo bjo Bosafelego. Gomme bjale ba leka go, ba tswakantše *Le* ka thutotumelo, ba Bea thutotumelo ye e itšego, segomaredi sa kerekeleina goba selo se sengwe godimo ga Lona. Gomme se ba se dirilego, ka go dira se, ke go fihlisitše kereke lefelong go fihla e golela godimo lefelong go fao e swanetšego go be e amogetše Peu, Lentšu la kgonthe, gomme ke seemo sa motswako, e tla wela morago go thuto ya yona ya kerekeleina, gomme ya tlogela Lentšu la Modimo la nnete le nnoši.

<sup>48</sup> Kagona, re mo nakong ya bofelo. Ga go na kholofelo e tee e šetšego. Re ka se kgone go aga godimo ga setšhaba se. Setšhaba se se theilwe godimo ga dipolitiki. Dipolitiki di fedile. Ba... E no ba go senyega ka mo go kgonago go ba. Ge le...

<sup>49</sup> A le badile kgatišobaka ya *Life*, moo moemedi yo, goba—goba moahlodi yo, morwa wa gagwe, mošemane? O be a le bothata kudu go beabeana le boRicky ba, le go ya pele, ntle mo, dikoloi tše tša dirote tša go fiša. Gomme mošemane wa gagwe o bolaile sehlopha se segolo sa batho, mošemane yo monnyane—yo monnyane, mošemane yo monnyane wa lesea, le sehlopha. Gomme moahlodi o mo lokolotše. Yohle papadi ya sepolitiki!

<sup>50</sup> Le a bona, bophelo bja setšhaba bo ile. Bophelo bja tlhago bja dimela bo ile. Bo tswakantše le se sengwe le se sengwe go fihla bo se ne bophelo ka go bjona. Bophelo bja motho ke tlhakahlakano ya kgafetša.

<sup>51</sup> Gomme bophelo bja semoya bo leemong la fasefase kudu bo kilego bja ba. Le a bona? Le a bona, fao, bo tswakilwe kudu. Se sengwe le se sengwe se tswakane le go oketšwa se sengwe go sona, go se dira se kaonana ka tsela *ye*. Ke a le botša, eibile le go mesepelo ya rena ya Pentecostal; ge, re be re fela re eya tlase ka dipareng tša kgale ka mokgwa wo, le mafelo.

<sup>52</sup> Ke sokologile ka pareng ye e fetolešwego. Gomme ke ikwela kudu ka gae bjale. Ke lebelela morago kua le go bona khaontara yela, le go ya pele. E be e le ye nnyane, kereke ya makhalate, moo ke amogetše kolobetšo ya Moya wo Mokgethwa, ke hlahletšwe kua ke Morena.

<sup>53</sup> Bjale, go bona mohuta wo wa mafelo, ga—ga ba nyake. Ba swanetše go ba le leina le legolo la matšoba ka morago ga lona. E swanetše go ba le bontši kudu morago ga yona, goba batho ba ka se... E swanetše go ba ye botse kudu, bokantle, go fihla ge e le—e se ka tsela yeo, gona batho ga ba nyake selo go dira le yona.

<sup>54</sup> Eupša šetšang Lentšu la Morena! Bjale, Modimo o na le tsela ya go dira dilo, gomme re swanetše go e dira ka tsela ye A nyakago e dirwa. Ge e se yona, gona ga e šome. Jesu o hweditše se

sengwe boka sona, ge A etla letšatšing la Gagwe. O rile, "Lena, ka ditšo tša lena, le dirile le—le Lentšu la Modimo go hloka maatla, ka ditšo tša lena." Le a bona, ba tswakile ka go, ba hlabetše ka go Melao ya Modimo ditšo tša bona beng, tše di dirilego Melao go hloka maatla.

<sup>55</sup> Lehono, ke a tseba go fetogile selo sa go swana. Ga go selo se se šetšego, mogwera wa ka wa Mokriste, eupša go Tla ga Morena Jesu Kriste. Yeo ke kholofelo e nnoši yeo kereke e nago le yona. Bokgole bjo e tlago, ge e ka tsoge ya tsea kerekeleina gape, e fedile, gobane kerekeleina ye nngwe le ye nngwe e fedile ge e eba kerekeleina. Ke sona selo . . .

<sup>56</sup> Ke tla bolela se sengwe mo, mohlomongwe ke be ke se ka swanela go se bolela, eupša efela ke a dumela ke swanetše go se bolela.

<sup>57</sup> Ge le hlokometše, Lusifa o dira tlwa selo sa go swana, lehono, se a se dirilego mathomong. Le a bona? Lusifa, mathomong, o be a nyaka go ikagela yenamong mmušo wo o bego o le wo mogolwane le wo mobotse kudu go feta mmušo wa Mikaele, Kriste. Yena, tše e be e le ditlhologelo tša gagwe, go fihlelela se sengwe boka seo. Gomme o hweditše eng go e dira ka yona? O tserere barongwa ba ba welego ba ba lahlegetšwego ke maemo a bona a pele. O tserere bao go o dira ka bona.

<sup>58</sup> Gomme, lehono, Lusifa o tsene ka kerekeng, gomme a tloša Lentšu, gomme a hlabela kerekeleina. Gomme o aga kereke, mosepeloo wa mohlakanelwa wo o yago pele bjale, go kopanya maprotestant ohle mmogo, gomme gohlegohle go tla ka go Katoliki. Gomme mopapa yo ba nago le yena ka gare bjale, go dira selo sa go swana, tlwa se Lengwalo le rilego go tla se dira. Gomme o se dira ka eng? O se dira ka monna wa mesepelo yela ye megolo ya mohlakanelwa, yo a sa tsebego Modimo; le ba bantši ba bona ka go Mapentecostal, gobane ba dira sa go swana. Ke eng? O e dira ka barongwa ba ba welego, Malutheran a a welego, Mamethodist a a welego, Pentecostal ye e welego, ba ba lahlegetšwego ke seemo sa bona sa setlogo go tšwa go Lentšu la Modimo, gomme ba eya thwi morago ka gare go dira mosepeloo wo mogolo bogolo wa mohlakanelwa. Batseta ba ba welego, batseta ba ba kilego ba dula le Lentšu, eupša ba rekišitše ditokelotswalo tša bona le go tšoenana le lefase. Selo sa go swana, se ka letšatšing la mafelelo. Gomme wa bona Lu- . . . Gomme Lusifa o a fihlelela lehono, ka motho le meboya yela ka go bona, yeo a e dirilego ka barongwa mo mathomong, barongwa ba ba welego ba ba sego ba boloka leemo la bona la pele go obamela Modimo. Gomme o dira selo sa go swana lehono.

<sup>59</sup> Oo, o ka se tsoge wa hwetša tsela e ka ba efe, tsela e ka ba efe le gannyane; Ga ke kgathale ge eba o ka pareng, goba o mokgotheng, goba e ka ba kae o lego. Tsela ye e filwego ke Modimo go motho, go tla go Kriste le go amogela Bophelo bjo

Bosafelego. Jesu o rile, "Nna, ge Ke phagamišeditšwe godimo go tloga lefaseng, Ke tla gogela motho bohle go Nna." Yeo ke tsela e nnoši ya Modimo. "Ge Ke phagamišeditšwe godimo go tloga lefaseng, Ke tla gogela motho bohle go Nna."

<sup>60</sup> O a swana maabane, lehono, le go ya go ile. O rile, ka go Mokgethwa Johane, tema ya 14 gomme temana ya 12, "Yo a dumelago go Nna, mediro ye Ke e dirago o tla e dira le yena." Tsela ye e filwego ke Modimo. Mareka 16 e rile, "Maswao a a tla latela bona ba ba dumelago. Leineng la Ka ba tla lelekela bodiabolo ntle. Ba tla bolela ka maleme a maswa. Ge ba ka swara disephente goba ba nwa dilo tše di bolayago, di ka se ba gobatše. Ba tla bea diatla tše bona go balwetši, gomme ba tla welwa ke maruru." Tšona dilo tše Kriste a di dirilego! Seo ke . . .

<sup>61</sup> O be a le Lentšu la Modimo le dirilwe go bonagala. O be a le tshepišo ya Modimo, e hlatseditšwe. O be a le—O be a le Modimo ka sebolego sa nama. Beibele e boletše gore, "Modimo o be a le ka go Kriste." Jehofa yo mogolo yola a hlotšego magodimo le lefase, o dirilwe go bonagala ka mmeleng, Morena Jesu. Gomme ka go Monna yo motee yola, O kgonne go fihlelala. Go fihla . . . O e lekile ka Moshe, gomme O e dirile ka go Jakobo, gomme O e dirile ka go Josefa. Eupša O tlide ka bottlalo bja Gagwe, ka go Motho Kriste, O be a le bottlalo bja Bomodimo ka lebopo la mmele, moo Modimo a kgonnego go itlhagiša Yenamong. Gomme O rile, "Ke mang a ka Mpeago molato wa sebe? Sebe ke 'gosedumele.' Ge Ke se ka dire tlwa se Lengwalo le rilego ke tla se dira, gona ke mang a ka go Nkahlolola le go bolela moo Ke šitilwego ka tsela e tee?" Le a bona, ke tsela ye e filwego ke Modimo.

<sup>62</sup> Gomme Kriste, Yena Moloki, o ile a swanelo go hwa gore a tsweletše Bophelo bjo Bosafelego ka Madi a Gagwe, a efa sele ya Gagwe ya Madi, gore A re fe Bophelo bjo Bosafelego. Yeo ke tsela ye e filwego ke Modimo.

<sup>63</sup> Ga se nke gwa ke gwa ba le e ka ba eng yeo e kilego ya fenya tsela ya Modimo go e ka ba eng. Ga ke kgathale se e lego. Ge batho ba ka no se leke go hlabela dikgopololo tše bona beng, eupša go no e tše ka tsela ye Modimo a e boletše, go Le dumela. Le a bona, go bonala go le bothata kudu go motho go no tšwa ka ntle ga dikgopololo tše gagwe mong, feela o swanetše go ba le se sengwe go dira ka go Lona, yenamong. Ka mehla o a kgotlela, ge le ka swarela tlhagišo, ka mehla o kgotlela tsela ya Modimo bakeng sa gagwe, ka go lahlela tsela ya gagwe mong ka go Lona.

<sup>64</sup> A ba kile, a le nagana ba ka hwetša tsela ye kaonana ya letsuana go tswalwa, go feta go thobola tsela ya lona go tšwa segahleng? Ke no makala ge eba le ka hwetša tsela e ka ba efe ye kaonana. Aowa, mohlomphegi. O tswalwa ka ntlhana ye nnyane mo bofelong bja molomo wa gagwe wo monnyane. Gomme nako ye nngwe le ye nngwe hlogo ya gagwe ye nnyane e thobola morago le pele, "Amene, Amene, Amene," o ngwapa segahla selā

go fihla a ngwapa yenamong go tšwa. Ee, mohlomphegi. O ka se tsoge wa hwetša tsela ye kaonana, gobane yeo ke tsela ye e filwego ke Modimo.

<sup>65</sup> Bjale, go ka reng ge a be a na le ntlhana ye nnyane godimo ga molomo wa gagwe, gomme o rile, “Letsuana le lennyane la go šokiša; o a tseba, ke ya go go hweletša tsela ye kaonana, ke ya go no phatlola segahla le go go topela ntle”? Go tla mmolaya. Yeo ke nnete. O tla hwa. A ka se phele.

<sup>66</sup> O swanetše go dira seo gore a age maatla a gagwe go lekanela go amogela moya le dilo ge a tšwela ntle. Ge a... O filwe sedirišwa. O na le ntlhana ye nnyane yela. Le e bone, dinonyana tše nnyane le matsuana. Gomme ge a sa kgothula hlogo ya gagwe ye nnyane, o ngwapa lee lela morago le pele go fihla a hlodimela tsela ya gagwe ntle.

<sup>67</sup> Ge le ka tše seo bjalo ka mohlala, goba ka tsela ya go dira ntlha, yeo ke tsela ya Modimo go Bakriste go tswalwa. E sego go sepelela godimo aletareng le go fa monna seatla sa gago se setona, le go bea leina la gago godimo ga puku. Eupša o ya tlase kua le go hlodimela le go lla le go kgopela le go phophotha go fihla Modimo a go fa maatla, ka gona o tla pele go tšwa segahleng sa lefase.

<sup>68</sup> Ge yo mongwe, modiša, a no phatlola segahla le go go ntšhetša ntle, a re, “Oo, gabotse, seo se lokile, re tla go tšeela ka gare go le bjalo,” o hwile. Seo ke sohile se lego go yona.

<sup>69</sup> O swanetše go tla ka tsela ye e filwego ke Modimo. Gomme yeo ke tsela ka moka ga bona ba ilego ba swanela go tla, ka go tswalwa ke Moya wa Modimo. Dulang fale go fihlela! Botelele gakaakang? Go fihlela! O ba boditše dihlopha tša mathomo tša mapentecostal go “leta ka toropongkgolo ya Jerusalema, go fihlela.” Ga go dire phapano ye e itšeego, letšatsi le letee, matšatsi a mahlano, matšatsi a senyane, goba eng kapa eng e bego e le yona, ba dule fale go fihlela ba tladišwe ka Moya, go fihla ba tswalwa gape.

<sup>70</sup> Mapidibidi le magantshe, ga se ba ke ba hwetša tsela ya mapidibidi le magantshe go—go lokela go tla Borwa, go tšwa Leboa mo, go feta tsela ye e filwego ke Modimo go ona go kgobokana. Nako ye nngwe ya go feta, ke bile le thuto ye kgolo ka ale. Ke be ke le tlase ka Texas, gomme ke etše hloko, re be re eya go theoga tsela, gomme sephethepheth se be se emišitšwe go ka ba seripa sa maele. Gomme ke rile go ba bangwe ba bona, “Bothata ke eng?”

O rile, “Magantshe ohle a putla tsela.”

<sup>71</sup> Gabotse, mafelelong, ge ke fihla godimo kua, o be o sa kgone go ikwa ka bowena o nagana. A be a na le tsošeletšo. Ohle a be a itokišetša mofo. A be a eya gae, a eya godimo Leboa ntlong ya ona, moo a ka kgonago go godiša ba bangwe ba bannyane. Gomme a be a na le tsošeletšo, a kgobokana, pele a eya.

<sup>72</sup> Bjale, yeo ke tsela ye e filwego ke Modimo, kgobokano, ona ohle a etla mmogo. Le tee le be le le godimodimo *mo*, gomme le tee godimodimo *kua*, gomme le tee godimodimo felotsoko gape, le tee ka tšhemong ya reise, gomme le tee ka tšhemong ya korong; eupša selo se sengwe gape, tsela ye nngwe, ka letšatši le le itšego, (ga ke tsebe gore ka baka la eng, bjang), eupša ka letšatši le le itšego, šea ohle a tla mmogo, go no lebega o ka re se sengwe se a gogile. Re e bitša “sekwitlhahlo.” Ke sekwitlhahlo sefiwa ke Modimo, go hlakana mmogo pele ga mofofo.

<sup>73</sup> Le bona se Modimo a lekago go se dira bjale? O goga Kereke ya Gagwe go tloga lehlakoreng le tee go ya go le lengwe, go hwetša tsošeletšo, tsošeletšo ya nako ya kgale boka magantshe ka mehla a dirile.

<sup>74</sup> Bjale go ka reng ge a lekile tsela ye nngwe, a rile, “Gabotse, bjale re tla no e tšea ka tsela ye nngwe”? A be a ka se tsoge a fihla kua. Aowa, mohlomphegi. Go ka reng ge o ka re, “Gabotse, bjale ke tla go botša eng, re tla ba direla tsela ye kaonana. Re tla a gapela ohle ka hokong le go a tšeela godimo ka hokong, ra a bea ka hokong ye nnyane ya dikgogo, goba ra e dira hoko ya legantshe goba hoko ya lepidibidi, goba eng kapa eng o nyakago go e dira, le go a bea ka go yeo gomme morago ra a iša godimo fale”? Le nagana yeo e tla ba tsela ye kaonana, le re, “Oo, re ka kgona go a fa... Oo, ke a le botša, re ka kgona go a fepa bokaonana, go bapela le tsela”? Aowa, o ka se kgone.

<sup>75</sup> Go na le thoro ye bjalo yeo e lego ka megobeng le ka mašemong, ngwang le dilo yeo a swanetše go e hwetša, gore e a fe maatla go ba se a lego ge a fihla kua. Ona, ge a ka se hwetše yeo, a ka se be... a ka se kgone go godiša bana ba ona. A be a ka se be mapidibidi a mmapale. A be a tla ba motswako boka re le, le a bona, ge a be a swanetše go tšeа yeo. Eupša Modimo o na le tsela ya—ya go e dira.

<sup>76</sup> A bee ka hokong, le a tseba ke eng ona mapidibidi a tla se tsebago thwi bjale? A bee ka kerekengleina ka mokgwa woo, a tsebile gore a be a loketše polao. Seo ke ka moka. Seo ke se o se dirago ge o a bea mmogo ka hokong, a ya tlhabong. Mapidibidi a ne sekwi se sekaonana go feta re nago naso, go seo. Ge o eya go a hlahlela ohle mmogo ka kgolegong ya madirwakemotho, gabotse, gona, le a bona, lepidipidi le a tseba ga le na le tokologo ya lona go fofela ka moyeng, le go dira bjalo ka ge Modimo a mo file go dira. Gomme le beye ka hokong, ka gona o—o ile. Yeo ke phetho. O a a hlahlela ge ba a bolaya. Gomme lepidibidi le tseba bokaonana. Re swanetše go tseba.

<sup>77</sup> Ešita o ka se kgone go a kgethela tsela ye kaonana go ya. Tsela, ge o nyaka go e bitša, godimo mo, ke a nagana. Tlase gae, ka Borwa, e sa no ba *tsela*, eupša godimo fa ke nagana ba e bitša tsela. A le a nagana, ge le ka kgona go re, “Bjale theetšang, ke tla le botša se le swanetše go se dira. Le swanetše go ya morago

ka tsela ye e itšego le go tla tlase ka tsela ye nngwe, le tlase godimo ka tsela ye.” A o nagana o ka kgona go kgetha tsela ye kaonana go ona go ya, go feta tsela ye e filwego ke Modimo go ona go ya? Gabotse, o tla a tliša ka go mohuta tsoko wa se—se se sengwe, o tla a gogela go kgabaganya mo ka makenete tsoko goba se sengwe. A ka se tsoge . . . O tla a goga go kgabola madimo, le go kgabola se sengwe le se sengwe gape, seripa sa ona se tla lahlega.

<sup>78</sup> Gabotse, o ka se kgone go a fa tsela ye kaonana. Ona, a ya ka tsela ye e filwego ke Modimo. A ka kgona go nkgelela madimo ale, dimaele kgole, le go tseba ka fao a ka tsokamago onabeng le go lokela ledimo, le go tsoga gape. Modimo o na le tsela ye e filwego go ona, gomme a na le sekwi sa lepidipidi go lekanelo go latela tsela ye e filwego ke Modimo. Ga re dire. Re leka go dira tsela ye kaonana go feta ye Modimo a re diretšego. Le a bona, re nyaka go ba le se sengwe ka go yona, renabeng. Lepidipidi ga le iše šedi go eng; le no ya ka tsela ye Modimo a le nyakago le eya, ka tsela ye bokhukhu ba gagwe ba dirilego, tsela ye makgolo-khukhu-khukhu-khukhu-khukhu-khukhu wa gagwe a dirilego, le go ya pele ka mokgwa woo.

<sup>79</sup> Ge re ka no tšeа lešika la rena morago, go Pentecost, re tla tseba mokgwa wa go fihla kua. Modimo o bile le tsela ye e filwego, ka Lentšu la Gagwe le ka Moya wo Mokgethwa wa Gagwe. Eupša re nyaka go ya ka tsela ye nngwe yeo Ngaka *Semangmang* a boletšego, goba sehlopha se rilego sa motho se ttilego mmogo gomme se boletšego. Yeo ke tsela go tloga go tsela ye e filwego ke Modimo. Kereke e sesile gabotse ka tsela ye e filwego ke Modimo, go fihla go khansele ka Nicaea, Roma, gomme fao ke mo ba dirilego phošo ya bona ye šoro. Go ka reng ge o ka kgona go tšeа . . .

<sup>80</sup> Gomme bjale le nagana ka go a hweletša tsela ye kaonana, goba a le ka kgona go a hweletša moetapele yo mokaonana go feta moetapele yo a filwego ke Modimo bakeng sa ona? Bjale mohlomongwe o tla tšeа lepidibiditona la kgale ntle mo felotsoko, gomme wa le tšeela ntle kua gomme wa le fepa ka divitamine tše di itšego, le go ya pele, le go le fa pitšo ya go ikgetha, le a tseba. Wa le romele ntle kua, gomme wa bea molongwana wo monnyane godimo ga molomo wa gagwe, gore o ka ba le mo—mo—mo moletšo woo a ka no go o letša ka ona, gomme o ka no o ngwala ka dipampiring tšohle, “Le—le lepidibidi le le kgonago go letša. Gomme, oo, mapidibidi ohle a tlemega go mo hwetša. O tla tseba ke tsela efe go ba iša, gobane ka kgontho e rutegile le go rutega, gomme o lokišitšwe. A ka e dira.” O ka no . . . A ka no dula ntle kua gomme a letša, morago ga sekgalela sohle, go ka se tsoge gwa ba lepidipidi le etla go mo dikologa.

<sup>81</sup> “Dinku tšeа Ka di tseba Segalontšu sa Ka, yo šele di ka se mo latele.”

<sup>82</sup> A ka no kwagala bobotse kudu. A ka no ba a na le diphego tše kaonana. A—a ka no fepiwa bokaonana. A ka no ba lepidipidi le lekaonana la go hlabologa. A ka no ba a kgona go dira momenekano goba e ka ba eng, ntle kua. O ka se kgone go bolela se a ka kgonago go se dira. Eupša ke a le botša, mapidibidi a ka se tsoge a mo latela ge a ka be a se a fa segalo sela se itšego se bego se nepagetše. Yeo ke nnete. Mapidibidi a tseba moetapele wa ona, ka segalo sefiwa ke Modimo, sekwitlhahlo sefiwa ke Modimo. Gomme o ka se tsoge wa kgona go hwetša e tee ye kaonana e ka ba efe go feta yeo, gobane yeo ke tsela ya kgonthe ya Modimo ye e filwego bakeng sa ona.

<sup>83</sup> Gomme hlokamelang, gape, ge o ka be o ile wa hlahlah legantshe la kgale goba lepidipidi, go tšeа sehlopha seo, go molaleng gore o be o tla mo tšeela thwi ka legorong la šotekane, moo batho ba mo hlapeditše. Eupša, le a tseba, moetapele yo a filwego ke Modimo o mo tšeela lefelong le le filwego ke Modimo mo A mo swaretše lona. O mo tšeа thwi go otloga, gobaneng, go ya Louisiana, gomme tlase ka go mašemo a reise moo a šireleditšwego, ngwaga ka moka. Gobaneng, ka kgonthe. Modimo o tseba se a swanetše go se dira, gomme lepidibidi le tseba go dira se Modimo a nyakago a se dira, goba a filwego bakeng sa gagwe. Hlokamelang.

<sup>84</sup> A o ka nagana o ka kgona go tšweletša sedirišwa se sekaonana se se filwego go feta se Modimo a mo swaretše sona? Bjale, lepidipidi le lennyane lela ga se la ke la tlogela mogobe. O tswetšwe godimo kua ka dithokgweng tša leboa. Ga se a ke a tloga mogobeng, ka bophelong bja gagwe, eupša ka mokgwa wo mongwe o sesa thwi godimo. A ka kgona go ya bohlabela, bodikela, leboa, borwa, tsela efe kapa efe a nyakago go ya; eupša se sengwe se mo gapeletša go ya borwa thwi ka go otloga, se mmotša ka fao a ka fetago ditlhaselotša go tonya, madimo le se sengwe le se sengwe, gomme a tšwela ka ntle ga sona, thwi fao dijо di lego. Modimo o na le sedirišwa ka go lepidibidi lela, se se mo etellago pele gabotse tlwa. Gomme ga se ba ke ba kgona go hwetša tsela ye e itšego ye kaonana go yena (aowa, mohlomphegi) go feta tsela ye e filwego ke Modimo.

<sup>85</sup> Bona, ga se ba ke ba kgona go hwetša tsela ye kaonana ya lesea go hwetša se a se nyakago, go feta go se llela. O ka no ba, o ka mmotša, “Gabotse, a ka kgona—a ka kgona go šikinya letswele la gagwe le lennyane, goba a ka kgona go ntšha tete ka mokgwa woo,” eupša a ka se tsoge a hwetša šedi boka go lla. O swanetše go e llela. Yeo ke phetho. O ka no re, “Gabotse, bjale, ke tla bea tleloko ya ka ya alamo godimo. Gomme ke swanetše go fepa lesea le ka nako ye e itšego, metsotso ye mentši bokaalo, go ba bantši bjalo, nako ye ntši ke swanetše go mo fepa.” O bulela tleloko yela ya alamo, gomme o hlomela lebotlelo ka molomong wa gagwe, o tla ntšha tete le go le tshwela ntle. Bea maswi ka molomong wa gagwe, gomme o tla a tshwela ntle. Ga se nako bjale. Eupša

Modimo o na le tsela ye e filwego, O bulela tleloko ye nnyane ya alamo godimo, tlase *kua*, gomme, ge e le, ga a ye go ema go fihla a hwetša lebotlelo la gagwe. Yeo ke phetho. O a le llela.

<sup>86</sup> Bjale, Modimo o digela tsela ye, gape, go bana ba Gagwe ba lesea, go lla, badumedi ba Gagwe go llela se ba se nyakago. Yeo ke nnete. Llela Yena, bakeng sa ditlhoko tša gago.

<sup>87</sup> Bjale, le se ke la theetša dipolelo tša bohlale, yo mongwe o re, “Gabotse, bjale ke a le botša, kolobetšo ye ya Moya wo Mokgethwa ye ba bolelago ka yona, phodišo Kgethwa ye, le mohuta woo wa dilo, gabotse, ke a le botša, ga se ya . . . ga se yona, lehono; nka kgona go e hlałosa, gore ga se ya lehono.” Theetšang, lesea la kgonthe la mmapale la Modimo le ka se iše šedi go seo.

<sup>88</sup> O tla goeletša, le go goa, le go raga direthe tša gagwe, go fihla a hwetša karabo ye e hlatsetšwego morago go tšwa go tshepišo yela go tšwa go Lentšu la Modimo, gobane, “Motho ga a phele ka borotho feela, eupša ka Lentšu le lengwe le le lengwe leo le tšwago ntle ga molomo wa Modimo, go tšwa molomong wa Modimo.” O a lla le go lla go fihla Lentšu lela la tshepišo le hlatselwa. Ngwana yo monnyane wa Modimo a phelago ka Lentšu la Modimo, ga go tsela ye kaonana ka lefaseng bakeng sa gagwe. Yeo ke phetho. O phela ka se Morena a rego go yena a phele ka sona, gomme o dula fao go fihla se direga; o a goeletša, a ragela direthe tša gagwe godimo, gomme a no dula go sona.

<sup>89</sup> Ba bangwe ba bona ba re, “Oo, o ka se kgone go amogela Moya wo Mokgethwa, ga go selo se sebjalo.” Ba lekile go re botša seo mengwaga ya go feta, gore go be go se selo se se bjalo ka go bolela ka maleme, le seprofeto, le dimpho tšohle tše kgolo tše tše Modimo a di tshepišitšego ka go kereke ya pele, le go di fa. “Ona matšatši a fetile.”

<sup>90</sup> A le nagana seo se emišitše batho bale ba dipelo tša go swarwa ke tlala? Ba ile ba swara Lentšu le, gomme ba tseba gore Beibebe e rile O . . . “Tshepišo ke ya lena, le go bana ba lena, le go bona ba ba lego kgole, le ba bantši ba Morena Modimo wa rena a tlago go ba bitša.” Ba dutše fale mo difahlegong tša bona, le go lla, le go kgopela, le go raga direthe tša bona, le go goelela go fihla Modimo a tšholletše Moya wo Mokgethwa wa go swana, godimo ga bona, seo A se dirilego godimo ga bona mathomong. Amene. Ke eng? Ke tsela ye e filwego ke Modimo. Yeo ke nnete. Ba e dumetše, gomme Modimo o ba file tsela. Petro o ba fa tsela ye e filwego ka Letšatši la Pentecost.

<sup>91</sup> Ba bangwe ba bona ba re, “Šišinyang diatla,fafatšwang, etlang ka kerekeng, ye ke Yona, yeo ke yeo.” Modimo o swanetše go ahlola kereke, lefase, ka se sengwe. Ge A eya go le ahlola ka kereke, e tla ba kereke efe? Ge A le ahlola ka kereke ya Katoliki, kereke ya Katoliki efe? Ge A le ahlola ka Baroma, Orthodox e lahlegile. Gomme ge ba le ahlola ka Orthodox, Orthodox ya Segerika, gona tše dingwe di lahlegile. Ge ba le ahlola ka Baptist,

Methodist e lahlegile. Ka . . . Ka baka la gore, o ka se kgone go oketša lentšu le tee, goba go tsea le tee go tšwa go Lona. Le a bona? Kafao, elelwang, lentšu le tee le sa dumelwego!

<sup>92</sup> Lentšu le tee le hlotše go opa ga hlogo go gongwe le go gongwe, bolwetši bjo bongwe le bjo bongwe, lehu le lengwe le le lengwe, gomme ebile le go tla ga Morena Jesu go hwa go re lopolla. Efa, ga se a dumela, o nno fana mabaka le Sathane, goba Sathane a fa mabaka le yena. “Gabotse, seo, ka potego, Modimo a ka se se dire.”

<sup>93</sup> Le a bona, yeo ke taba ya Lusifa lehono, o re, “Modimo a ka se kgone go re gana. Re batho ba bagolo kudu. Re ema dikete tše masome, dimilione go tia. A le nagana Modimo a ka re gana?” Yena, nnete, O šetše a e dirile. Ge o gana Lentšu la Gagwe, o ka lehlakoreng le lengwe. Ga se Modimo a go ganago; o ganne Modimo. Fao ke mo e lego. Le a bona? Le a bona?

<sup>94</sup> O swanetše go tsea Borotho bja Bophelo. “Motho a ka se phele ka borotho bo nnoši, eupša ka . . .” Mantšu a se makae, lentšu le nako ye nngwe le ye nngwe? “Ka Lentšu le lengwe le le lengwe le le tšwago molomong wa Modimo, motho o tla phela ka Leo.” Gomme Lengwalo le le ngwadilwe ke Moya wo Mokgethwa, yeo ke nnete, gomme Moya wo Mokgethwa ke Modimo. Gomme, yo mongwe le yo mongwe, monna yo o “sepedišitšwe, mokg-, ke Moya wo Mokgethwa,” o ngwadile Beibele ye. Gomme ke dumela Lentšu le lengwe le le lengwe la Yona ka go phethagala ke Therešo ya Modimo, gomme le ka se kgone go tsenatsenwe. Gomme re tla ahlolwa ka Puku ye, mo bofelong bja . . . bja leeto la bophelo. Ee, mohlomphegi.

<sup>95</sup> Ga ke dumele go dipolelo tša bohlale. Ke dumela go Lentšu Lonamong, gomme ka gona ke dula le tshepišo yeo go fihla e dirwa go bonagala le go phethagatšwa, ka gona o na le yona. Eng? “Motho a ka se phele ka borotho bo nnoši, eupša ka Lentšu le lengwe le le lengwe le le tšwago molomong wa Modimo.”

<sup>96</sup> Ke be ke sa no nagana letšatši le lengwe. Beibele e boletše, gore, “Dibe tša Sodoma di be di tlaiša soulo ya Loto, letšatši ka letšatši.” Ke nno gopol, ke boLoto ba bakae ba lego ka United States! Monna a dutšego ka boithutelong bja bona, monna wa go loka, a dutšego ka boithutelong bja bona, a lebeletš ntle ka lefastere, le go bona bommaletasa ba ba sebjalebjale mo mokgotheng, le go ya pele, ka tsela fale. Ga ba kgone go bolela selo ka yona. Ba a tseba ke phošo. Ga ba kgone go bolela selo, seripa sa ya bona phu- . . . ya, masomesenyane a phesente a phuthego ya bona ba e apara. Basadi ba moriri wa go kotwa, ba apere dišothi, monna a kgoga disekerete, ba tsea dino tša leago, ba bolela metlae ya ditšila! Ba tseba bokaonana go feta go bolela seo. Ge ba dira, motsemošate wa bona wa kerekeleina, ba hudua se sengwe boka seo, ba kgaolwa go tšwa go yona. Le a bona, Loto wa sebjalebjale a se ne sebete sa go tlwaelega, e sego

Therešo ya kgonthe ya semoya ka gare ga bona, mogau wa go lekanelo go ema, yo a tla lebelelago sebe, gomme a sa kgone go se biletša ntle.

<sup>97</sup> Modimo, re fe Abraham tsoko yo a tla ikaroganyago bonabeng go tloga go dilo tše. Nnete. Oo, ka letšatši le re phelago! Ee, mohlomphegi.

<sup>98</sup> Lentšu la Gagwe ka mehla ke Therešo, Therešo ka mehla. Bana ba Gagwe ba ba dumelago ba a le dumela, le go le llela, go fihla Lentšu la Gagwe le hlatselwa. Gomme Lentšu la Gagwe ka mehla ke thato ya Gagwe. Ge le nyaka go tseba se thato ya Modimo e lego, e hwetšeng ka Beibeleng. Ke Lentšu la Modimo. Eng kapa eng kgahlanong le Lona, e fapošitšwe. Gomme le se ke la tsena ka go seemo seo sa motswako. Se Modimo a se boletšego, yeo ke Therešo.

<sup>99</sup> Ge yo mongwe a go tšeа, gomme a re, “Bjale, ke tla ka kerekeng, gomme ke a go botša, ga re dumele go go amogeleng kolobetšo ya Moya wo Mokgethwa. Ga re dumele seo. Re a dumela gore gabotse o, o a dumela, ge o dumela, o amogela Moya wo Mokgethwa.”

<sup>100</sup> Paulo o rile, ka go Ditiro tema ya 19, “A le amogetše Moya wo Mokgethwa ge e sa le le dumetše?” Le a bona? “A le amogetše Moya wo Mokgethwa?”

“Gabotse, le amogetše Moya wo Mokgethwa bjang?” o boletše.

<sup>101</sup> Petro o rile, ka Letšatši la Pentecost, o rile, “Sokologang, yo mongwe le yo mongwe wa lena, le kolobetšweng Leineng la Jesu Kriste bakeng sa tebalelo ya dibe tša lena, gomme le tla amogela neo ya Moya wo Mokgethwa.” Seo ke se a se boletšego. “Tshepišo ke ya lena, le go bana ba lena.”

<sup>102</sup> Go swana le batho ba bala taelotšhomiošo godimo ga lebotlelo la dihlare gomme ba ka se tšee sehlare. Ke botse bofe e bo dirago go bala taelotšhomiošo? Gabotse, ba ya kgole disseminaring, gomme ba ithuta histori ya kereke, gomme re ithuta maitshwaro a kereke, le go ithuta se Beibele e se bolelago, le mantšu ohle a Segerika, gomme re ka kgona go go botša se e se rago; eupša seo e no ba go le botša se lebotlelo le se bolelago, se ditšupetšo di se bolelago. Nka kgona go le botša se Petro a se boletšego ka Letšatši la Pentecost, nka kgona go le botša gore tshepišo ke ya lena, eupša o re, “Ke dumela Seo.” Nka kgona go dumela sehlare se se dutšego mo bakeng sa bolwetsi se lokile, eupša, go fihla ke se tšeа, ke swanetše go se tšeа! Le a bona, tlho—tlho tlhokofalo ya yona ga e tshwenye. O re, “Ka tlhokofalo ke dumela seo. Yeo ke therešo.” Eupša o swanetše go se tšeа. Gomme ge o se tšeа, go bontšha khuetšo godimo ga molwetsi. Gomme ge o tšeа Lentšu la Modimo, Le laetša khuetšo ya mmapale ya Moya wo Mokgethwa, ka tumelo, Peu ya Abraham. Se dira se sengwe go wena. Se a go

swara. Se šišinya gosedumele go tšwa go wena, gomme se bea marato a gago go dilo tša Godimo.

<sup>103</sup> Moo, Jesu o rile, “Ge Ke phagamišitšwe, Ke tla gogela batho bohole go Nna.” Gomme Yena ke Lentšu. “Mathomong go be go le Lentšu, Lentšu le be le le go Modimo, gomme Lentšu e be e le Modimo. Gomme Lentšu la dirwa nama gomme la dula magareng ga rena.” Gomme Lentšu e sa le Modimo. Gomme ge Lentšu le phagamišeditšwe godimo, gomme o Le amogela ka pelong ya gago, Le tla go gogela go Modimo. Yeo ke nnete, gobane Ke Modimo. Amene. Oo, ke Mo rata bjang. Lentšu ka mehla ke Therešo. Ee, mohlomphegi. Ga go tsela ye kaonana go feta tsela ye e filwego ke Modimo!

<sup>104</sup> Go bile le moprefeta, nako ye nngwe, ka leina la Jobo. O hlokile, o—o hlokile khomotšo tsoko. Gomme o... maloko a kereke ya gagwe a a tla, le go mo ahlola, gomme ba re, “Jobo, o a tseba, o—o—o no se loke le Modimo.” Gomme—gomme ba mo ahlotše. Eupša o be a sa hloka mohomotši. Mosadimogatša wa gagwe o be a sa kgone le go mo homotša. O rile, “Jobo, o swanetše go roga Modimo, gomme ka gona o hwe lehu.”

<sup>105</sup> Eupša o rile, “Wena o bolela boka mosadi wa lešilo.” Gomme Jobo o dutše le yona go fihlela Modimo a mo file pono ya Jesu Kriste. Bjale, le dumela seo?

<sup>106</sup> E rile, ge pono e etla, o rile, “Ke a tseba Molopolodi wa ka o a phela, gomme ka matšatšing a mafelelo O tla ema godimo ga lefase. Gomme le ge diboko tša letlalo di senya mmele wo, efela ka nameng ya ka ke tla bona Modimo; yo ke tla mmonago nnamong, mahlo a ka a tla bona, yo mongwe.”

<sup>107</sup> Bjale elelwang, pono ke, o bone Jesu. Gomme Jesu ke Lentšu. Ka gona ge Jobo a be a nyaka mohomotši, Modimo o mo rometše pono ya Lentšu. Amene. Fše!

<sup>108</sup> Yeo ke khomotšo ye ke e hwetšago, ke go bala Lentšu, go dumela Lentšu, se Lentšu le se boleLAGO. Jesu o rile, “A nke lentšu la motho yo mongwe le yo mongwe e be maaka, gomme la Ka e be Therešo.” Ga ke kgathal se yo mongwe gape a se boleLAGO. Ke—ke hlompha se ba se boleLAGO. Eupša ge go etla go dumeleng, ge e le kgahlanong le Lentšu la Modimo, ga ke e dumele. Ga ke dumele selo eupša se Lentšu la Modimo le se boletšego, ka gore, “Motho o tla phela ka Lentšu le lengwe le le lengwe le le tšwago molomong wa Modimo,” e sego feela bontši gakaalo bja Lentšu. O rile, “Lentšu lohle,” Beibele ka moka go kgabola. “Motho o tla phela ka Lentšu le lengwe le le lengwe le tšwago molomong wa Modimo.” Bjale, ke ka mokgwa wo motho a phelago. Yeo ke tsela ye e filwego ke Modimo go yena go phela.

<sup>109</sup> Gomme Jobo o be a le moprefeta yoo a phetšego ebile pele Beibele e ngwalwa. Gomme hlokamelang, o be a le moprefeta, gomme Lentšu la Morena le tla go moprefeta. Gomme ka gona ge a be a nyaka khomotšo, o be a sa kgone go hwetša le e tee.

O ile kerekeng ya gagwe, gomme kereke ya gagwe ga se e be—ga se e be le khomotšo go yena, eupša pharomolato kgahlanong le yena. Eupša o dutše go fihlela Modimo a mmontšitše Lentšu, ka pono, gomme morago o be a homoditšwe. Gomme o dutše ka maoto a gagwe, gomme magadima a bekentše gomme medumo ya rora. Gomme o rile, “Le ge diboko tša letlalo di senya mmele wo, efela ka nameng ya ka ke tla bona Modimo. O boletše le nna. A nke lehu goba e ka ba eng gape e nthagele, ga e dire nthatana ya phapano, gobane ke tla bona Modimo. Ke bone pono ya Lentšu la Gagwe.”

<sup>110</sup> Israele, letšatši le lengwe, ba be ba le ka Egepeta, tlase kua ka bothopša. Gomme ba be ba hloka tsela, ba be ba hloka tsela go tšwa ka Egepeta. Gomme, hlokamelang, re hwetša gore monna o ile a hlahlawa, ka leina la Moshe. O be a hlahlilwe ka go maatla ohle a sešole, go ba Farao wa go latela, tlase ka Egepeta. O be a hlahlilwe ka go maatla ohle a sešole. O naganne letšatši le lengwe o tla lokolla batho ba Gagwe. Gomme o tlie ntle, monna yo maatla yo, yo maatla ka lentšu le mediro, Moshe. Gomme o lekile ka maatla a gagwe a sešole, eupša e be e se tsela ye e filwego ke Modimo. O be a hlaelelwā se sengwe.

<sup>111</sup> Eupša letšatši le lengwe ge a be a le ka lehlakoreng la morago la leganata, se a bego a se hlaelelwā, sethokgwa sa go tuka se bile le sona. Gomme Moshe o bone pono ya Lentšu, yoo e be e le Modimo. Gomme ge a dirile, pono e boletše Lentšu. “Ke elelwā tshepišo ya Ka,” amene, “go Abraham, Isaka, le go Jakobo. Gomme ke elelwā ke ba tshepištše, gomme ke tlie tlase go ba lokolla.” Amene. Oo, nna! Ka gona, bjalo ka ge ke boletše bošego bjo bongwe ka Tabarenekeleng, Moshe o bile mogolegwā go Modimo.

<sup>112</sup> Ntle le ge Modimo a ka kgona go go hwetša, mogolegwā! Paulo o bile mogolegwā. Le a bona, o ka se kgone go lebelela se o se naganago, o ka se kgone go lebelela se yo mongwe gape a se naganago. O swanetše go ya feela se A rego dira. O mogolegwā.

<sup>113</sup> Paulo o tsebile gore o be a gateletšwe ka moyeng go ya lefelong le le itšego, ge a be a sa nyake go ya. O tsebile gore Moya o mo ganetša go ya mafelong a itšego. O tsebile o be a swanetše go homola dinako tše ntši.

<sup>114</sup> Mmolelelamahlatse yo monnyane yola wa kgale o kitimetše ntši ka morago ga gagwe letšatši le lengwe, a goeletša go dikologa ka morago ga gagwe. Gomme Paulo, ka Moya wola wa Modimo, o nyakile go o kgalema, le letšatši ka morago ga letšatši. Gomme mafelelong a hwetša molaetša, “Mo kgalemele,” gomme a retologa go dikologa. O be a ka se kgone go e dira go fihla Modimo a boletše bjalo. Amene.

<sup>115</sup> Oo, ge kerekeng e ka kgona feela go ba bjalo ka go Bogona bja letago la Modimo, letšatši le lengwe Modimo o tla lokolla Maatla a Gagwe ka go Yona, dilo di tla direga. Eupša o ka se

kgone go hlakanya dijo tša gago; o tla ba motswako. Dulang tlwa se Modimo a se boletšego. Dulang thwi ka go Lentšu, gomme Modimo o tla Le hlatsetša go ba Therešo. Ee, mohlomphegi.

<sup>116</sup> Modimo o file Israele tsela. O tloditše moprefeta, o rometše Pilara ya Mollo, le go hlatsela Lentšu le moprefeta a le boletšego, ka maswao, ka maswao a tlholo. “Moshe, eya o otolle lepara la gago ntle godimo ga lewatle, ntle go leba Bohlabela, gomme o re, ‘A go tle dintšhi.’” Gomme Moshe, monna ka Lentšu la Modimo, a tseba gore motho ga a kgone go hlola, o hlomile kota ya gagwe morago go leba Bohlabela, ka mokgwa *woo*, gomme o rile, “A go be le dintšhi gohlegohle Egepeta.” Gomme dintšhi, di hlotšwe, gomme tša tla go beng gona ka lentšu la motho.

<sup>117</sup> Modimo o šomiša motho bakeng sa sedirišwa sa Gagwe. A ka kgona feela go bolela ka motho. “Ke nna Morara, lena le makala.” Yeo ke nnete. O rile . . .

<sup>118</sup> Go be go se digwegwe. O rile, “Moshe, eya ntle kua gomme o emiše lepara la gago godimo, gomme o bitsé digwegwe.” Yeo e be e le thomo ya Modimo go yena.

<sup>119</sup> Gomme Moshe o re, “Bjale ema motsotso, ema motsotso, bjale mohlomongwe matšatši a seo . . . Ga se ka ke ka tsoge ka kwa selo se sebjalo ka seo. Bokaonana ke ye gabonolo gannyane”? O be a se na le dikerekemaina tše di itšego tša bohlale go mmotša gore a dire eng.

<sup>120</sup> O be a phela ka tshepišo ya Modimo. O be a le mogolegwka ntlong ya Modimo. A ka kgona feela go ya le go dira bjalo ge Moya o mo dumelela go e dira. Amene. Gomme a emišetsa lepara godimo, gomme a bolela, gomme digwegwe tša tla go ba gona. Nnete.

<sup>121</sup> Ba file kwana ge ba be ba hloka se sengwe bakeng sa sebe sa bona. Tsela ye e filwego ke Modimo e dirile kwana. Tsela ye e filwego ke Modimo e dirile tsela go kgabaganya Lewatle le Lehubedu ge ba be ba le ka molabeng. Tsela ye e filwego ke Modimo e ba file moprefeta, e ba file Pilara ya Mollo go ba latela, bohlatsa bja Lentšu, monna yo a netefaditšwego ke Modimo, gore se a se boletšego se tla go phethega, o mmontšhitše tlwa se e bego e le sona. Gomme efela, ge ba tshetše lewatle, ba nyakile molao. Le a bona, bao e no ba batho. Yeo e no ba tsela ye motho a šomago, o nyaka go hlabela ditsela tša gagwe mong.

<sup>122</sup> Oo, tsela ye e filwego ke Modimo ka mehla ke tsela ya go romela Lentšu la Gagwe.

<sup>123</sup> Lehu le rathile Egepeta. O be a eya go bolaya se sengwe le se sengwe ka Egepeta. Bjale elelwang, ge dišo di be di tsupologa, ge mollo o be o ewa, gomme ge dipula di etla le sefako se etla, Modimo o file lefelo bakeng sa bakgethiwa ba Gagwe go se tsene ka go leo. O bile le lefelo le le bitswago Gosene. Bjale go be go etla moyo wa lehu godimo ga naga. Gomme motho yo mongwe le yo mongwe, elelwang, lehu ke lebaka re hwago.

Gomme Israele e ile ya swanelo go ba le se sengwe go ba thibela go hwa, goba lehu le ka be le ba rathile, le bona. Gobane, ko-, ko-... meputso ya sebe ke lehu, gomme Israele e be e dirile sebe. Gomme Modimo, gore ba se hwe, batho ba Gagwe ba ba bego ba leka go Mo latela, O file kwana, le madi godimo ga mojako, ao a šireleeditšego go tswalwa ga bona ga mathomo. Tsela ye e filwego ke Modimo. Mola, Egepete e naganne ba ka itswalelela bonabeng ka gare, go dikologa baithutamodimo bohle ba bona ba bagolo le dingakabaloi, gomme e ka ba eng ba bilego le yona, mo... gomme morongwa wa lehu o swietše thwi ka gare godimo ga yeo, gobane e be e se ne madi.

<sup>124</sup> Gomme bodumedi e ka ba bofe lehono bjo bo se nago Bophelo bja Madi a Jesu Kriste ka morago ga bjona, morongwa wa lehu o godimo ga bjona; nnete, morongwa wa lehu, go aroganego go tloga go Modimo. Ee, ka nnete, Ikabode e ngwadilwe go nthatana ye nngwe le ye nngwe ya yona yeo e se nago Madi.

O re, “Gabotse, ke thakgetše, Madi!”

<sup>125</sup> Ge Madi a se a be le maatla, ge a se a be le maatla gomme o a bona ka bophelong bja gago, bjalo ka ngwana yo a gafetšwego wa Modimo, ka se Jesu a rilego se tla direga, gona hlakomela, o ka no ba le se sengwe gape ntle le Madi. O ka no ba le tlhabelo ye nnyane ya thutamodimo ka kua, goba se sengwe, tlhabelo ye nnyane ya maikutlo a a itšego. O re, “Ke ile ka roromela. Ke ile ka šišnyega. Ke binne. Ke dirile se.” Phafoga.

<sup>126</sup> Ge sehlare se ka tsoge sa go ratha, ke mo gobotse go motho yo mongwe le yo mongwe. Se tla phološa go tšwa sebeng. Se tla hlwekiša, go tšwa go bophelo bja sebe. Se tla dira motho wa go fapano go tšwa go wena. Se tla tloša pelaelo, gomme se tla go dira tlholye mpsha ka go Kriste Jesu. Amene.

<sup>127</sup> Lehu le rathile Egepete. Modimo o arogantše tumelo go tloga go gosedumele, letšatši leo, ka ma—ka madi godimo ga mojako.

<sup>128</sup> Moshe, mohlanka wa go botega yo a latetšego molawana wo mongwe le wo mongwe wa Modimo, ge a etla lefelong o ile a swanelo go hwa. O be a tšofala kudu, lekgolo le masomepedi a mengwaga bogolo, o be a swanetše go hwa. O be a se na le lefelo la go hwa. O be a sa nyake go hwa tlase kua le gona go popoduma le se sengwe le se sengwe ka mokgwa woo. Modimo o mo file leswika. Amene. O thomile go namela, go fihla a fihla ka godimo ga gosedumele gohle, gomme Modimo o bile le leswika le robetše fale. Gomme o hwile godimo ga leswika lela, a lebeletše go naga ya tshepišo.

<sup>129</sup> Leo ke lefelo. Leswika leo ke Kriste Jesu, leo le go šupetšago go naga ya tshepišo. O ya go Yena nako ye nngwe, gomme o tla bona tshepišo ye nngwe le ye nngwe ya Modimo ke therešo. Ka phethagalo. Yeo ke nnete. “Ge—ge le dula ka go Nna, gomme Lentšu la Ka ka go lena, gona kgopelang se le se ratago gomme

se tla direlwa lena.” Gobane, Yena ke Lentšu. Le no iponagatša Lonamong ka wena, ge o dula ka go Yena.

<sup>130</sup> Elang hloko, ka morago ga ge a hwile, o be a le godimodimo ka lešokeng, o be a hloka barwalalepokisi. Modimo o file Barongwa. Gobaneng? Gobane ga go motho lefaseng le a ka mo išago moo a bego a eya. O ile a swanelo go tsea yo mongwe go mo rwalela godimo Kua, le go tsea Barongwa mmogo Gae.

<sup>131</sup> Henoge o be a hloka lelere, letšatši le lengwe. O be a sepetše mengwaga ye makgolotlhano le Modimo, gomme o Mo kgahlile. O be a hloka lelere. Modimo o mo file tselalephefo, o sepeletše thwi godimo Gae.

<sup>132</sup> Eliya o be a hloka thapo, nako ye nngwe, gomme Modimo a mo fa koloi le dipere go yona. Oo, nna!

<sup>133</sup> Simisone o be a hloka lerumo, gomme Modimo a mo fa lerapo la mohlagare la moula wa nageng, gomme a itiela Bafilelisita ba sekete fase ka ona.

Modimo o fa ditlhoko tsha gago. Modimo o na le tsela.

<sup>134</sup> Go ka reng ge Sim—go ka reng ge Simisone a rile, “Bjale ema motsotsso. Lerapo le la mohlagare ga se le bogale. Ga se lerumo. Lebelela tšona dikefaphemo tše kgolo tše koto godimo ga bona Bafilelisita”? O nno tsea tsela ye e filwego ke Modimo, le go betha thwi ka go yona.

<sup>135</sup> Seo ke sohle o se hlokago, ke go tsea se Modimo a se boleLAGO. Gomme o ye go ratha ka sona, feela ka maatla ka fao o kgonago, o tla itloša wenamong ka morago ga nakwana. Ee, mohlomphegi. Ee.

<sup>136</sup> Joshua o be a hloka leporogo. Modimo o file ma—ma maatla, mosela wa lefula, mosela wa lefula wa semoya wo o bego o thibetše Jorodane, gore a kgone go ya pele le go phethagatša Lentšu la Modimo, tshepišo. O hlokile leporogo.

<sup>137</sup> Daniele o be a hloka legora, go raka ditau go tloga go yena. Modimo o mo fa Morongwa. Le a bona, yeo ke tsela ye e filwego ke Modimo. Se se bego se hlokwa, Modimo o file, gomme Modimo o se file ka tsela ya Gagwe Mong.

<sup>138</sup> Bjale go ka reng ge nkabe Daniele a rile, “Bjale ema motsotsso. Ke kgona go nagana ka tsela ye kaonana go feta Pilara yela ya Mollo e eme mo pele ga ka bjale. Gore, tau yela, e ka no se be le khuetšo godimo ga gagwe. A ka no tla thwi pele go kgabola Pilara yela ya Mollo. Ge O ka no ikhweletša legora le legolo le letona le go nkageletša ka gare”? Le a bona, yoo e ka be e bile Daniele a leka go dira se sengwe.

<sup>139</sup> Eupša o nno amogela tsela ye e filwego ke Modimo, a robala fase gomme a ya go robala, le go robala bošego bjohle, feela ka khutšo. Modimo o file tsela. Ee, mohlomphegi. Oo, nna!

<sup>140</sup> Bana ba Bahebere ba be ba hloka meetse tsoko, lethopo la meetse tlase kua, go tima mollo wola wohle ge ba tabogela ka kua gare. Eupša Modimo o ba file Monna wa bone. Ee, mohlomphegi. Seo ke sohle ba bego ba se hloka.

<sup>141</sup> Go ka reng ge o re, “Bjale ema motsotso, feela yo mongwe gape go ya ka kua, yo a ka se thušego. Re swanetše go ba le lethopo la meetse go tima wohle wo”?

<sup>142</sup> Ba amogetše tsela ye e filwego ke Modimo, gomme O thibetše mollo go tloga go bona. Go be go se le ge e ka ba monkgo wa mollo godimo ga bona. Ba ile ka tsela ye e filwego ke Modimo.

<sup>143</sup> Banna ba bohlale ba be ba hloka khamphase go ba hlahla go ya go Lesea la go tswalwa leswa, eupša Modimo o file Naledi. Le a bona? Ba tšere Naledi. Seo ke sohle ba bego ba se hloka.

Lefase le be le hloka Mophološi. Modimo o file Morwa. Amene.

<sup>144</sup> Kereke e be e hloka maatla. Modimo o file Moya wo Mokgethwa. Ga se a fa puku ya maitshwaro. Ga se A ke a neela mmušo wa Bokriste. O file Moya wo Mokgethwa. Seo ke se Modimo a se filego. Ga se A ke a re, “Eyang godimo kua gomme le ithute godimo ka Jerusalema godimo kua, go fihla Ke tsenya bokaalo bjo bo itšego bja thuto ka go lena, go fihla Ke le kitela tsebo, le *sagorelegore*.” O rile, “Letang go fihla le hlamišwa ka Maatla go tšwa Godimo. Ka morago ga ge Moya wo Mokgethwa o tlide godimo ga lena, gona le tla ba dihlatse tša Ka ka Jerusalema, Samaria, ka Chicago, Illinois, le go ya pele, le a bona, lefase lohle.” Yeo ke hlatsye e filwego ke Modimo, ke Moya wo Mokgethwa. Modimo ga se a fa puku ya maitshwaro. Ga se A fa kerekeleina.

Ba rile, “Re nyaka go ba Bakriste ba go tlala.”

<sup>145</sup> “Gabotse, bjale letang go fihla le ithuta botelele kudu, letang go fihla le ithuta dithutotumelo”? Ga se nke A re ithuta e ka ba eng. O rile, “Leta go fihla le tladitšwe.” Amene.

<sup>146</sup> Yo mongwe o rile letšatši le lengwe, o rile, “Gobaneng, Mna. Branham, a ga o dumele go dikerekemaina?”

<sup>147</sup> Ka re, “Ga ke na le selo kgahlanong le batho ka go tšona, eupša ka nnete ga ke dumele ka go ditshepedišo tša bona.”

O rile, “Gabotse, gobaneng? Re tla lefa bjang? Re tla dira eng?”

Ke rile, “Yeo e be e se tsela ye e filwego ke Modimo lefelong la pele.”

O rile, “Ke wena wa kerekeleina efe?”

Ke rile, “Ga e gona.”

O rile, “Ke wena wa eng?”

Ke rile, “Mmušo.”

O rile, “O tsena bjang ka Kua?”

Ke rile, “O tswalelwa ka go Ona.” Amene.

<sup>148</sup> O tswalelwa ka Mmušong wa Modimo. Bjang? Ka Moya wo Mokgethwa. Bjoo ke bohlatse bja Modimo. O fa bohlatse ka Lentšu la Modimo, gore re fetile go tloga lehung go ya Bophelong, gobane re ka Mmušong wa Modimo. Gore Modimo . . .

<sup>149</sup> Modimo o be a hloka moetapele wa Kereke. Ga se A ruta pišopo, ebole ga se A romela moprista yo mogolo goba mopapa, goba ga go yo mongwe gape. Eupša O rometše Moya wo Mokgethwa. Motho o a hwa, gomme ditshepedišo tša bona di a hwa, le se sengwe le se sengwe gape. Eupša Moya wo Mokgethwa ke Modimo wa Gosafelego, gomme A ka se kgone go hwa. O ba fa Moetapele wa ka Gosafelego, gomme woo ke Moya wo Mokgethwa. Ba be ba hloka selo se sengwe go ba hlahla, go ba botša gore ba dire eng, gore ba phele bjang, gore ba kopane bjang le setšhaba, ba ka kopana le bogale bja letšatši bjang, ba ka lwantšha bolwetši bjang, ba ka lwantšha *se* bjang, ba ka lwantšha sebe bjang. Motho o thadile mehuta yohle ya ditsela tša go tšoena *se*, le dithutotumelo tša *se*, le ditokomane tša *se*, le dikolobetšo tša *se*, le mohuta wo mongwe le wo mongwe wa maikutlo, le meroromelo ye mennyanne le maikutlo a sa tlwaelegago, le se sengwe le se sengwe gape. Eupša go le bjalo go sa dutše, Moya wo Mokgethwa ke tsela ye e filwego ke Modimo bakeng sa Kereke ya Gagwe. Amene.

<sup>150</sup> Gomme Moya wo Mokgethwa ke Modimo, gomme Modimo ke Lentšu. Moya wo Mokgethwa ke Lentšu le le dirilwego go hlatselwa ka botlalo. Moya wo Mokgethwa ke selo se se tlišago Lentšu le le tshepištšwego bophelong.

<sup>151</sup> O re, “Ke bile le maikutlo.” Ge a sa hlatsele Lentšu le, lebala maikutlo ao. Ee, mohlomphegi.

<sup>152</sup> O re, “Gabotse, ke dirile *se*. Ke dirile *sela*. Gomme ke kolobeditšwe ka tsela *ye*, ka tsela *yela*.”

<sup>153</sup> Ga ke kgathale se o se dirilego. Ge Moya wo Mokgethwa o le go wena, Lentšu le le hlatseditšwe ka wena. Gobane, Jesu o rile, “Maswao a a tla latela bona ba ba dumelago; go lefase lohle, le sebopiwa se sengwe le se sengwe.” Amene. Tsela ye e filwego ke Modimo!

<sup>154</sup> Mengwaga ye dikete tše pedi! Seo se ile gabotse lebaka la e ka ba mengwaga ye makgolotharo, morago ba bile le kopano ya khansele nako ye nngwe, ka Nicaea, Roma, gomme ba nyakile go hlabela se sengwe. Ka gona ka morago ga Martin Luther, morongwa yo mongwe wa Modimo o tlišitše pele molaetsa, ka gona ba bile le tlhabelo ye nngwe. Gomme ka gona ka morago ga John Wesley, ba bile le tlhabelo ye nngwe. Gomme ba no ya pele, kopano ya khansele, go fihla ba fihlile lefelong le, go fihla dikereke di eba motswako ka maitschwaro a dithuto tša motho, gomme go ne go wa go gogolo bjale.

<sup>155</sup> Kereke e hloka leswao la Lengwalo, Therešo, ka matšatšing a a mafelelo. E hloka se sengwe.

<sup>156</sup> Lebelelang dikerekemaina tša go fapano, memenekano; ge re tswalela bjale, pele re eba le mothalo wa thapelo. Lebelelang go momenekano wa Lengwalo. Naganang ka dikerekemaina tša rena tša go fapano. Naganang ka ditsela tša rena tša Pentecostal. Naganang ka Baptist ya rena, Presbyterian ya rena, Lutheran ya rena, ebile le go Maindependent a rena, e ka ba eng gape. Moisa ga a tsebe a eme kae.

<sup>157</sup> Kereke e a hloka, lehono, bohlatse bja Lengwalo. Jesu o boletše eng ka go Mokgethwa Johane, tema ya 14 gomme temana ya 12? "Yo a dumelago go Nna, mediro ye Ke e dirago o tla e dira le yena. Tšona dilo tše Ke di dirago o tla di dira le yena." Hlokombelang, O tshepišitše, "Bjalo ka ge go bile bjalo matšatšing a Jona, moprofeta, ka fao go tla ba bjalo ka go tleng ga Morwa wa motho." Le a bona? O rile, "Ka gore bjalo ka ge Jona a bile mpeng ya hlapikgolo, matšatši a mararo le mašego, gomme o tsošitšwe bjalo ka ge go bile go tšwa bahung, leo e tla ba leswao go moloko wo mobe le wa bootswa."

<sup>158</sup> Bjale, re phela ka matšatšing a mafelelo, ka leswao le le tshepišitšwego la tsogo. Ka morago ga mengwaga ye dikete tše pedi ya go kitela tsebo le go goga go tloga tseleng, le ka tsela *ye*, le ka tsela *yela*, go fihla batho ba sa tsebe ba dire eng. Eupša Jesu o ba boditše, le go ba tshepiša, "Bjalo ka ge go bile matšatšing a Loto le Sodoma, go tla ba bjalo ka go tleng ga Morwa wa motho."

<sup>159</sup> E bapetše lehono. Tšea Genesi 6, gomme lebelela se A se boletšego; ka fao gore "monna wa go tsebega," ka fao "basadi ba tla bago ba babotse." Re na le sehlopha se sebotsebotse sa basadi ba ba kilego ba ba lefaseng, go tloga nako yela. Basadi ke ba babotse kudu go feta ba bile mengwaga ya go feta. Ba na le dilo tše ntši tša go fapano go ba dira ba babotse. Dipente tše ntši tša go fapano le marole le dilokiši le didiramoriri le se sengwe le se sengwe, le diaparo tša maitshwarohlephi le dilo, go fihla di ba dira go ba le kgogedi.

<sup>160</sup> Monna o tlie go nna maabane, o rile, "Ke na le mošemane, lesometshela, Ngwanešu Branham. Ke na le mošemane, lesomepedi. Ke ba iša mo mokgotheng, bommaletasa ba bannyane ba ntle fa." O rile, "Bašemane, ke banna ba bannyane," o rile, "nka kgona go ba botša eng?"

<sup>161</sup> Ke rile, "Mohlomphegi, ga ke tsebe. Ba iše go Kriste, gomme ba dire ba phološwe le go tlatšwa ka Moya wo Mokgethwa, ba tla retolla hilogo ya bona, go bona bommaletasa ba sebjalebjale."

<sup>162</sup> Elelwang, ge barwa ba Modimo ba lebeletše godimo ga barwedi ba motho gomme ba bone gore e be e le ba babotse, ba itšeetše go bona basadi, ba itšeetše basadi. Lebelelang godimo fa go kgobogo ye kgolo ye ka Engelane, lebelelang go kgabola United States, lebelelang basetsana ba ba bitšago ka go U.N., se

sengwe le se sengwe gape, oo, go no šiiša. Gomme yeo ke yona, motho "motsebalegi." Re thwi morago ka go iri yeo, mabone a mahubedu a pekenya mogohle, go tla ga—ga Morena. Gomme Jesu o rile, "Bjalo ka ge go bile pele Sodoma e tšhungwa, go tla ba bjalo mo go tleng ga Morwa wa motho." [Ga go selo go theipi—Mor.] Yeo ke nnete.

<sup>163</sup> Basadi ba ba bjalo, ga ba lemoge se ba se dirago; moyo wo mobe godimo ga bona. Gobaneng mosadi a ka apola diaparo tša gagwe ka mokgwa woo, go itshenola yenamong? Ga a re go ba yo mobe, ba—ba, ba no swarwa ka molabeng wola, gomme ga ba e tsebe. Le a bona, go no swana le ge go bile morago kua ka nako yela. Nama ya mosadi e pealaditšwe mogohle, le a bona, kgogedi kudu, e kitimiša barwa ba Modimo thwi go tšwa monaganong wa bona, go nyakile, gomme morago molao wa Sodoma le Gomora go mo šireletša go yona. A kgobogo, le mmušo wa rena o emetše dilo tše bjalo ka tše!

<sup>164</sup> Ke duma ge nka be ke le mmušiši lebakana, goba go ba le setšhaba se. Ge ke be nka tsoge ka swara mosadi a apere ka mokgwa wola, o be a tla ya kgolegong ya mosadi bophelo ka moka. A be a ka se tsoge a kgona... Ya. [Phuthego e opa magoswi.—Mor.] Ge ke be nka swara mosadi le monna boka yola,...? [Phuthego e opa magoswi.] Ge mosadi le monna ba swerwe ba phela ka mokgwa woo, bobedi ba be tla opafala, ke sohle se lego go yona; gomme e be e tla dirwa thwi ntle phatlalatša, ke dingaka. Ee, mohlomphegi. Re be re tla bea...

<sup>165</sup> Kotlo e no ba ye nnyane ya kgale... Molao ke eng ntle le kotlo? Kotlo ya molao wa Modimo ke lehu. Sebe ke lehu. Yeo ke nnete. Re hloka molao woo o tiilego. Re... Oo, nna! Eupša se re nago naso bjale, sehlopha sa dipolitiki, se ka kgona go fapošwa ka tsela e ka ba efe o nyakago. Selo ka moka se senyegile.

<sup>166</sup> Hlaganelang, kereke, morago go Lentšu la Modimo yo a phelago! Phelang go tloga go Leo, gomme Leo le nnoši, gobane Leo ke le batho ba Modimo ba swanetšego go phela ka lona.

<sup>167</sup> Modimo o tshepišitše kereke ye leswao la Lengwalo. O rile tsogo e tla dirwagape, Jesu Kriste le Kereke ya Gagwe ba tla ba bjalo ba tla ba batee, mo matšatšing a mafelelo. O e tshepišitše. Bjale re a tseba gore ke therešo.

<sup>168</sup> Bjale, gape O tshepišitše gore go tla ba le pušetšo ya Tumelo. Re bala godimo ka go Juda, yeo e boletšwego ka go Juda, "Ka tiišetšo go hlabanelo Tumelo yeo e kilego ya fiwa bakgethwa gatee." Bjale re a tshepišwa, ka go Maleaki 4, ka tshepedišo ya go swana ka mehla A e dirilego, gore re tla bušetšwa morago go Tumelo ya setlogo. Oo, oo, nna! Morago go Peu ya setlogo, morago go Peu boka e thomile ka Letšatši la Pentecost, morago go Thuto ya go swana, Lentšu ka Lentšu, maatla ka maatla, Moya ka M... selo sa go swana, feela tlwa boka go bile morago mathomong, ka maswao le matete a Bogona bjo bo phelago bja

Jesu Kriste. Ka morago ga mengwaga ye dikete tše pedi, O sa phela. Gomme O a swana maabane, lehono, le go ya go ile.

<sup>169</sup> Ke boditše Billy, "Mo metsotsong ye masometharo, lahlela se sengwe go nna, ke tla tlogela go rera." Bjale ke šetše ke fetile nako yeo. Hlokamelang, ke no hwetša . . .

<sup>170</sup> Ke a tseba ga ke na- . . . ga re nako ye ntši gape, iri e mo.

<sup>171</sup> Bagwera, le se ke la no tla kopanong, la re, "Go lokile, ka nnete ke ipshinne ka yona. Go be go fiša gannyane, eupša ke ipshina ka yona." Le se ke la dira seo.

<sup>172</sup> Hlokofalang. Sepelelang ka go yona. Dirang maipolelo. Itlhwekišeng lena beng. Ge go na le dipelaelo tše nnyane le dikgakanegokgolo ka pelong ya gago, ebile o se tle ka mothalong wa thapelo. Aowa, mohlomphegi. Ke nyaka go hlweka. Maipolelo a rena ke tsela ya go rarela.

<sup>173</sup> Ke bile le mosadi go poledišanonyakišo fa, dibeke di se kae tša go feta. Gomme o rile . . . Ke hweditše ka fale moo a bilego le lesea, la monna yo mongwe. Gomme o be a phetše le bašemane ba babedi, gomme o be a tšere mošemane yo motee yo gomme a mo nyetše gobane o be a mo rata bokaonana, gomme o rile lesea e be e le la gagwe. Gomme o tsebile nako yohle le be le la yo mongwe.

Gomme o rile, "Ke ipoletše seo."

<sup>174</sup> Ke rile, "Ya, tsela še ye o e boletšego. 'O Moratiwa, O Moratiwa, go ka reng ge o be o nagana se sengwe, O Moratiwa? O a tseba, John wa kgale, mošemane wa kgale, mošemane wa kgale, go—go ka reng ge ke go boditše lesea le be le la yo mongwe gape? Hee-hee, o be o ka se e dumele, a o be o ka dira?' 'Aowa.' 'Gabotse, go ka reng ge eba go diregile? Oo, e re, John, a re ya ntle bošegong bjo go ba le hambeka?'" Bjoo ga se boipolelo. Eya fase matolong a gago!

<sup>175</sup> Yeo ke tsela ye batho ba tlago go Modimo. "O Morena, O lokile kudu, O no ntumelela go dira e ka ba eng ke e nyakago." O se ke wa dumela seo. Modimo o na le molao wo o phelago ka ona. Go fihla o hlwekiša, le go hlatswa, le go ipolela, le go dumela ka pelo ya gago yohle, le go tla morago go Lentšu la Modimo, o sa na le molato. O ka se kgone go dira seo.

<sup>176</sup> O swanetše go phušula selo. Batho ba swanetše go tla, bomodimo, ka tlhokofalo, ba ye fase matolong a bona le go dula fale go fihlela dipuelo di direga, dumela maatla ale a Moya wo Mokgethwa a lerato la Modimo a hlabelwe ka pelong ya gago le go go dira o ipolele dibe tša gago tšohle le gosedumele ga gago gohle, le go amogela Jesu Kriste.

Modimo o rometše se sengwe le se sengwe A kgonnego.

<sup>177</sup> Hlokamelang ka fao A e netefaditše nakong ya pele, go swana le ka fao Ngwanešu Vayle a bego a bolela lebakana la go feta. Le a bona? Ba tsebile bjang O be a le Mesia ge A bone

mosadi mo sedibeng? O mmoditše se se bego se fošagetše ka yena. Ka pela, mosadi yola ka go seemo sela sa go šiiša, a phela le banna ba tshela. O rile, “O bile le ba bahlano, gomme yo o dulago le yena bjale ga se monnamogatša wa gago.” Bannabagatša ba tshela, banna ba tshela molokolokong, o be a kitima le bona, ka seemong seo.

<sup>178</sup> Eupša ge a boditšwe, o bone gore Lentšu la Modimo, le bogajana go feta tšhoša ya magalemabedi, mohlathi wa dikgopololo tša pelo, o rile, “Mohlomphegi, O swanetše go ba o le moprofeta.” Bjale, Lentšu la Morena le tla go moprofeta, le a bona, go utolla dilo tše. O rile, “O swanetše go be o le moprofeta. Ga se re be le baprofeta lebaka la mengwaga ye makgolo. Eupša,” o rile, “O swanetše go be o le moprofeta. Bjale re a tseba gore re lebeletše Mesia, gomme, ge Mesia a etla, seo ke se A tla se dirago.”

Jesu o rile, “Ke nna Yena.”

<sup>179</sup> Gomme batho ba toropokgolo, ba toropokgolo yohle yela ya Sikara, monna yo mongwe le yo mongwe o dumetše Jesu Kriste. O be a se a swanela go e dira gape. O e dirile nako e tee, gomme monna yo mongwe le yo mongwe o Mo dumetše gobane mosadi o boletše bjalo. Bopaki bja gagwe, o be a fetogile bjalo, ga se ba kgona go tlogela go bo dumela. Oo, re fe banna le basadi ka mabopaki a phosithifi, ao a tla tlišago monna tshokologong gape. Ba dumetše go Morena Jesu Kriste.

Bjale, ka leswao lela, O netefaditše gore O be a le Mesia.

<sup>180</sup> Modimo, nthuše, ka leswao la go swana, ka Moya wa Gagwe, go netefatša gore O sa le Mesia. Amene. Ke feela ka Lentšu la Modimo re tla phelago. Tshepišo ya Gagwe ke gore O tla e dira.

<sup>181</sup> Bjale amogelang tsela ye e filwego ke Modimo mo nakong ya bofelo. Ge o babja bosegong bjo, Modimo o na le tsela ye e filwego. Jesu Kriste ke tsela ye e filwego. Ge o le wa sebe, bosegong bjo, wa gosedumele, o sa kgone go phela gabotse, o sa kgone go bonala o ka re o dudišegile; Jesu Kriste ke tsela ye e filwego ke Modimo. E no Mo dumela. O a swana maabane, lehono, le go ya go ile. Gona Yena, ka go Moya wo Mokgethwa... E lego Yena, Moya wo Mokgethwa ke Jesu ka go (Kriste) ka sebopego sa Moya. “Lebakana le lennyane gomme lefase ga le sa Mpona gape, efela lena le tla Mpona, gobane Ke tla ba le lena, ebile ka go lena...” Moya wo Mokgethwa: Kriste o O biditše Nna. Le a bona? Kriste, Modimo, Moya wo Mokgethwa ka go Yena, o be o swanetše go ba ka Kerekeng ya Gagwe, “...go fihla bofelong bja lefase.” Lentšu la Modimo. “Gomme mediro ye Ke e dirago le tla e dira le lena. Lebakana le lennyane gomme lefase le ka se Mpone gape, efela lena le tla Mpona, gobane Ke ya go ba ka go lena. Yo a dumelago go Nna, mediro ye Ke e dirago o tla e dira le yena. Ka go lena, go fihla bofelong bja lefase.” Modimo o na le tsela ye e filwego bakeng sa bana ba Gagwe ba ba dumelago.

Jesu Kriste o ka tsela yeo, wa go swana maabane, lehono, le go ya go ile.

A re inamišeng dihlogo tša rena feela nakwana.

<sup>182</sup> Ge le sa ne dihlogo tša lena di inamišitšwe, a le a dumela gore ke Yena tsela? A go na le ba bangwe mo ba ka ratago go dumela seo, gomme ga se ba ke ba e amogela le bjale? Mogwera, a o ka phagamiša seatla sa gago, wa ba go hlokofala bjalo fa ka go arena ye ya kgale, bošegong bjo, le go re, “Ngwanešu Branham, nthapelele. Ga ke nyake, ga—ga—ga ke nyake go kopana le Modimo ka tsela ye”? Gomme elelwang . . .

<sup>183</sup> Re ile ra šwahlela ka gare go poledišano, ra topa mogala ka lefelong le le itšego, letšatši le lengwe. Gomme mosadi o be a sa tšo tsena, gomme monna o be a mmitša morago, yoo a bego a le ntle le yena, gomme mosadi yo o swanetše go ba Mokriste. Gomme o rile, “A monnamogatša wa gago o sa robetše?” “Ya.” O rile, “Ge a ka tsoge a hwetša, re . . .” O rile, “Ga go dire phapano e ka ba efe go nna,” gomme lesea le lennyane le lla.

<sup>184</sup> A le a lemoga? A le kgona go kwešiša? Le la bootswa, la ditšhila, lefase la tšhila, le mafelelong. Modimo o ya go . . .

<sup>185</sup> Go ka se be le moago o tee o dutše hleng le wo mongwe, ka Chicago le lengwe la matšatši a, goba e ka ba kae gape. Modimo o lokišetša go neša lehuto lela la boselela godimo ga lefase, go bula lehuto lela le go lokolla bogale bja Modimo godimo ga lefase. Eupša pele A dira seo, Kereke e tla be e ile. Monyalwa o tla be a ile; kereke e ka se ke, o tla ya go kgabola tlaišego, eupša Monyalwa o tla be a ile. Mosadimogatša wa gagwe yo monnyane a ka se ye go kgabola yeo.

<sup>186</sup> A ga o nyake go ba yo mongwe wa bona maloko a Gagwe, bošegong bjo? Ge o dira, gomme o nyaka go gopolwa ka thapelong, ka hlogo ya gago e inamišitšwe, phagamiša seatla sa gago. Modimo a go šegofatše. Modimo a go šegofatše, le wena, le wena.

<sup>187</sup> Tate wa rena wa Magodimong, mantšu ohle nka kgonago go a bolela, a ka se re selo ka papetšo ka Lentšu le tee O tla le bolelago. Ke no ba motho a tsopola se O se boletšego. Ke rapelela ba ba phagamišitšego diatla tša bona. Modimo, e fe.

<sup>188</sup> Pono ye kgolo yela, mosong wo, e nkgeigantše, Morena. Ke sa kgeigane. Gomme ke a rapela gore—gore O tla nthuša, go nkhomotša, Morena. Ke tšhogile, gomme ke kgopela gore—gore O tla thuša.

<sup>189</sup> Ge go ka ba ba bao ba phagamišitšego diatla tša bona bošegong bjo, ba fapogetše ka moagong mo, ka mokgwa tsoko, a nke Moya wo Mokgethwa wo mogolo o bolele le bona bjale, gomme a nke ba tle ka bose go Wena. Ke a tseba motlwae ke, Morena, go bitša batho go dikologa aletara. Re a dumela seo

se lokile. Eupša go ya ka Lengwalo, ba rile, “Ba bantši ba ba dumetšego, ba kolobeditšwe.”

<sup>190</sup> Gomme ke a rapela, Modimo, gore batho ba ba tla kitimela godimo go kolobetšo ya Bokriste, go dumela go Wena, le go ipolela dibe tša bona, le go amogela Jesu Kriste le Madi a Gagwe bakeng sa tshwarelo ya bona, morago ba tsoge gomme ba kolobetšwa, ba bitša godimo Leina la Morena, ba hlatswa go tloša dibe tša bona. Gomme ka gona a nke ba tlatšwe ka Moya wo Mokgethwa wa tshepišo ya Gagwe, ba tswalelelw, Bophelo bjola bo fetolago tlhago ya bona ka moka, bo ba fe kholofelo ye mpsha, bo ba dira ba lebelele godimo; ba ba mogolegwa, go tšwa go kganyogo ye nngwe le ye nngwe, ditlhologelo tše dingwe le tše dingwe.

<sup>191</sup> Boka Mokgethwa Paulo yo mogolo, a nyakile go ba rabi. O nyakile go ba monna yo mogolo. O hlahlilwe. Tatagwe le mmagwe ba mo hlahlile go ba bjalo. Gomme morago kua ka lehlakoreng la morago la leganata lela, ka morago ga go kopana le Pilara yela ya Mollo letšatši lela, ye e mmoditšego, “Go thata go wena go raga kgahlanong le seotledi.” O biditše leina la gagwe, “Saulo, Saulo!” Pilara ya Mollo e ka kcona bjang go bitša leina la gagwe? Eupša O rile, “Ke nna Jesu.” Gomme o tsebile seo ke se Jesu a se dirilego ge A be a le lefaseng. O tsebile gore Pilara ya Mollo e be e le Kriste yo a etilegopele batho ba gagwe go tšwa Egepeta, go kgabola lešoka, gomme o tsebile gore Yola o be a sa le motlotšwa.

<sup>192</sup> Gomme, Morena, re a tseba O sa swana lehono. Ke rapelela yo mongwe le yo mongwe. Ba fe khutšo ka dipelong tša bona, Morena. Hlwekiša kereke ye nnyane ye, gomme a nke bohole bao ba kgokaganego le yona, le basetsebje bohole ka dikgorong tša rena, bakeng sa Jesu ke a e kgopela.

<sup>193</sup> Gomme ka gona, Tate, ke a rapela gape gore O tla fodiša balwetši. Hlatsela se ke se boletšego, go ba therešo. Nako ya ka e a felela, Morena, ke a tšofala, gomme ke a rapela gore O tla nthuša go no thopa soulo ye nngwe le ye nngwe nka kgonago. Gomme, Modimo, dira batho ba bone, bošegong bjo, gore ge Ramaatlakamoka ka Boyena a etla fase magareng ga rena le go netefatša gore O a swana maabane, lehono, le go ya go ile, a nke batho ba bone gore, “Motho a ka se phele ka borotho bo nnoši, eupša ka Lentšu le lengwe le le lengwe leo le le tšwago molomong wa Modimo.” E fe, Morena. Gomme e sego go itswakaganya bonabeng ka ditshwaetšo tsoko tše kgolo tša—tša twatši tsoko ya bolwetši yeo e tliša gosedumele ka pelong ya bona, eupša a nke tshwaetšo yeo e tlošwe ke maatla a Moya; gomme peu ya Bophelo bjo Bosafelego e ka phela ka go bona, gore ba tle ba gole go ya seemong sa go tlala sa Jesu Kriste, gore, mo letšatšing le la mafelelo, gore Yena le mosadimogatša wa Gagwe ba be batee. E fe, Morena. Ke kgopela ka Leina la Jesu. Amene.

<sup>194</sup> Bjale dumelang, lena batho le phagamištšego seatla sa lena. Ge o dumela go Morena Jesu Kriste, gomme wa Mo amogela bjalo ka Mophološi wa gago, le go Mo dumela, gore Madi a Gagwe, gomme ao a nnoši, a boelanya bakeng sa sebe sa gago, gona ke nyaka le bone ba bangwe ba badiredi ba fa, bakeng sa kolobetšo gonabjale. Ba tla go botša o dire eng go tloga fao.

<sup>195</sup> Bjale go balwetsi le batlaišegi, bao ba nago le dikarata tša thapelo, a re thomeng go nomoro tee, le go thoma le go hwetša di se kae tša tšona godimo mo, ke bolela ka tee go fihla go lesometlhano. Ke kitima e ka ba lesometlhano, metsotso ye masomepedi thari. Nkabe ke tšwile, lesometlhano, metsotso ye masomepedi ya go feta.

<sup>196</sup> Nomoro tee, ke mang a nago le yona, karata ya thapelo nomoro tee? Phagamišetša seatla sa gago godimo, e ka ba mang a nago karata ya thapelo nomoro tee. [Ngwanešu Lee Vayle o re, “A bokaone ba eme, ngwanešu, ema?”—Mor.] Emelela, e ka ba mang a nago karata ya thapelo nomoro tee. Ge le ka kgona, emelelang. Re ka se kgone go bona gabotse kudu fa, ke seemo sa seetša ga se gabotse. Karata ya thapelo nomoro tee, nomoro pedi, nomoro tharo, nomoro nne, tlhano, tshela, šupa, seswai.

<sup>197</sup> Wa rena kg- . . . mohumagadi mo, ge o sa hwe- . . . Tee go fihla go lesometlhano, emeleta bjale, ge ka moka ga rena re inamiša dihlogo tša rena. Etlang thwi godimo fa, etlang thwi godimo fa, nomoro tee go fihla go lesometlhano, ge re inamiša dihlogo tša rena le go rapeleta mohumagadi yo, yoo a babjago godimo fa. Mdi. Way o na le yena fa, bjale, ge re sa mo rapeleta gape. Go fiša gampe ka mo, bosegong bjo, mphufutšo o no tloroma go tšwa dieteng tša ka.

A re rapeleng bjale, bohole ka dihlogo tša rena fase.

<sup>198</sup> Tate wa rena wa Legodimong, efa ditšhegofatšo tše go rena, Leineng la Jesu Kriste Morwa wa Gago. A nke mogau le kgaogelo, khutšo, di thuše kgaetšedi morategi wa rena, Modimo, ge a babja le go hluka. A nke Moya wo Mokgethwa o tle godimo ga gagwe, Tate, le go mo fa, morago, go phelega go gobotse gape. O a babja; o tla kerekeng, bosegong bjo, o nyaka go ipshina ka yona, gomme mo re mo hwetša a dutše mo a babja, a idibala, ka baka la go fiša ga phišo ya kereke. Modimo, mo fe phodišo ya gagwe. Ke rapela ditšhegofatšo tše ka Leina la Jesu Kriste. Amene.

<sup>199</sup> Go lokile, Morena a šegofatše bjale. Dumela. Ke mmone a dumela ka hlogo ya gagwe go Kgaetšedi Way. O boetše seemong bjale. Gomme bjale ge ba bangwe ba lena ba nyaka go mo tšeela ntle mo a ka kgonago go hwetša moyo wo monnyane. Go fiša gampe. Ge le ka no ema thwi fa le go tseba se e—se e se rago ka nako ye bjale!

<sup>200</sup> Bjale, a re boneng, ke ba bakae le nago nabo? [Ngwanešu Vayle o re, “Lesome.”—Mor.] Tee, pedi, tharo, nne, tlhano, tshela, šupa. Go lokile.

<sup>201</sup> A re hwetšeng mothalo wa thapelo o thome. Bjale yo mongwe le yo mongwe feela ka tlhomphokgolo ka mo le kgonago. Bjale yo mongwe le yo mongwe eba go rapela. Ge, mmapiano a re fa tšhune godimo fale, ge le rata.

Dumela feela, dumela feela,  
Dilo tšohle di a kgonega, dumela feela.

<sup>202</sup> Seo ke se sebotse. Bjale yo mongwe le yo mongwe ka tlhomphokgolo le ka thapelong bjale. Go lokile. Bjale le se sepele go dikologa gape. Le se ke. Le se ke. Lena batho le yago ka gare le ka ntle, le se ke la dira seo, le a bona, ka gore se se kotsi kudu, le a bona, kudu, kotsi kudu. Go lokile. Bjale yo mongwe le yo mongwe homola, gomme o rapele, gomme o dumele bjale ka pelo ya gago yohle.

<sup>203</sup> [Ngwanešu Vayle o re, “Re na le ba bane ba hlaelago.”—Mor.] O reng? [“Re na le ba bane ba hlaelago.”] Gabotse, ga ba arabe pitšo ya bona, seo ke sohle ke se tsebago; ba hlaelwelwa go bitšwa. Go lokile.

<sup>204</sup> Ke ba bakae ba hlaelago? Ba babedi ba a hlaela, nomoro pedi? Ke mang a nago le karata ya thapelo nomoro pedi? A go na le batho ba bangwe ba bolelago mo ntle le Seisimane? Karata ya thapelo nomoro pedi?

<sup>205</sup> Mošemane o no hlakanya dikarata tše godimo le go di neela ntle, tšona, mang kapa mang o a di hwetša. O se e tsee ge o sa tle. Le a bona? O swanetše go tla godimo, ge o etla. O se ke wa e fa yo mongwe gape; o swanetše go tla ka bowena.

<sup>206</sup> Karata ya thapelo nomoro pedi? Go lokile, ge e se mo, a re inamišeng dihlogo tša rena. Go fiša gampe, kudu, go fiša kudu. Gomme mohlomongwe mohumagadi yo mo o na le yona. A o na le karata ya thapelo nomoro pedi, mohumagadi? O na le karata ya thapelo nomoro pedi? Mohlomongwe ke Monorwegian goba se sengwe, gomme ga a bolele. Billy, kgonthiša karata yeo tlase fao, yo mongwe, gomme o bone ge eba o na le nomoro pedi karata. Ya. Bjale . . . [Yo mongwe o re, “Ya.”—Mor.] Nomoro pedi. Go lokile.

Nomoro tee, pedi, go lokile. Ya. Go lokile, bjale, tee, pedi, tharo, nne, tlhano, tshela, šupa, seswai, senyane, lesome. Go na le e ka ba tše pedi goba tše tharo gape di hlaelago. Tee go fihla go lesometlhano, ge le rata.

<sup>207</sup> Gabotse, yo mongwe le yo mongwe tlhomphokgolo bjale, le a bona. Go lokile, bjale ebang tlhomphokgolo ka kgonthe, gomme le rapele bjale. Ke ba bakae ba yago go be ba rapela? Phagamišang diatla tša lena, “Ke ya go be ke rapela. Ke ya go be ke rapela, ke dumela Modimo.”

<sup>208</sup> Bjale ke ba bakae ntle fa ba se nago karata ya thapelo, gomme o a tseba Modimo o ya go, o tla go fodiša, a re boneng seatla sa gago. Wena, o a dumela Modimo o tla go fodiša. Yo mongwe le yo mongwe, go lokile, mogohle bjale, yo mongwe le yo mongwe dumela. E no ba le tumelo. O se belaele. Dumela Modimo, ka pelo ya gago yohle. Go lokile.

Etla, mohumagadi.

<sup>209</sup> Ke mohuta wa go dira yo mongwe le yo mongwe go hlaganelala le go thanthelwa, gomme Moya wa Morena ga o rate seo le gatee. Le a bona? A re homoleng, le a bona. Homolang lenabeng, nno reng, “Morena, ke nna yo, ke fa go Go hlankela. Ke a Go rata, gomme ke a tseba O tla fa kgopelo ya ka.” Yeo ke yona.

Bjale a le kgona go nkwa? Ke tla leka go ema thwi mo.

<sup>210</sup> Mohumagadi mo. Seswantšho se sebotse sa Beibele sese gape. Mohumagadi šo yo e lego mohumagadi wa lekhala. Ke nna monna yo mošweu. Ka kgonthe go tliša ntle seswantšho se sebotse sa Beibele, go lena basetsebje.

<sup>211</sup> Jesu o kopane le mosadi sedibeng. O be a le Mosamaria, O be a le Mojuda, gomme ba thoma go bolela. O rile, “Ntlišetše seno.” O ile go bolela le yena, gomme O hweditše se bothata bja gagwe e bilego. Eupša sa pele O mo kgopetše go fa seno, gomme ga se a ke a se fa, ka baka la gore o be a le wa moloko wo mongwe. Gomme O mo dirile a tsebe, gonabjale, go be go se phapano go mehlobo.

<sup>212</sup> Gomme ke rena ba, bošegong bjo, ka morago ga mengwaga ye dikete tše pedi. Bjale, Jesu Kriste o tshepišitše gore dilo tše A di dirilego, modumedi o tla di dira le yena. A yeo ke nnete? Bjale, yo mongwe le yo mongwe o dumela seo? Mokgethwa Johane, tema ya 14, temana ya 12. Gomme, bjale, gobaneng? O be a le Lentšu. A yeo ke nnete? Gomme O rile, “Ge le dula ka go Nna, Mantšu a Ka ka go lena, kgopelang se le se ratago.” Bjale ge mosadi yo a babja, nka se kgone go mo fodiša. Ga go yo a ka kgonago go mo fodiša; Modimo o šetše a e dirile. Ge a le modiradibe, nka se kgone go mo phološa. Modimo o šetše a e dirile; o no swanela go e dumela.

<sup>213</sup> Eupša bjale ge Jesu a swana maabane, lehono, le go ya go ile, le go fa leswao la Gosafelego la tsogo ya Gagwe, ka matšatšing a a mafelelo, gona O tla bolela ka nna ge ke le mohlanka wa Gagwe gomme ke biditšwe bakeng sa morero wo. Bjale bahlanka bohole ga se ba biletšwa go dira seo, le a bona, eupša go na le, bonnyane, ka molokong, yo motee, bao ba nago le seo. Bjale, eupša ge se se le bjalo, ke go laetša go ka moka ga bona, ka mabodireding a lena, gore Modimo o na le lena.

<sup>214</sup> Le a bona, O dira dilo tše dingwe. Ke boletše ka maleme. Ga ke, ga ke e dire nako yohle. Ke e dirile makga a mane goba a a mahlano bophelong bja ka. Ga se ke tsebe se ke bego ke se dira. Go ikweleng nnamong ke bolela letšatši le lengwe, ke hwetša

kgopolo, ke lebeletše tikologong go bona se se bego se direga. Ke kwele yo mongwe, a kwagala boka go bolela ka Sejeremane. Ke lebeletše le go bona moo e bego e le. E be e le nna ke e dira, nnamong. Le a bona? Gomme ke naganne nka kitima go kgabola sehlopha le go tabogela godimo ga leboto nako yeo. Eupša ka hwetša, e be e le nna, ke nno homola ka kgonthe go fihla A feditše, gomme e be e le Moya wo Mokgethwa o dira dipoelano bakeng sa mosadi yoo moragwana a bonagetšego, gomme kudu, gampe kudu ka TB, gomme Morena o mo fodišitše.

<sup>215</sup> Eupša bjale, fa go batheeletši ba, mohumagadi yo o a tlabia. Ke mohumagadi wa lekhala, gomme o felotsoko tikologong ya mengwaga ya ka, eupša ga se ka ke ka mmona. O no ba mosadi. Bjale, o eme fa bakeng sa lebaka tsoko. Ga ke le tsebe. Nka—nka se kgone go le botša. Ga ke tsebe selo ka yena. Eupša ge Moya wo Mokgethwa o ka nkutollela seo bothata bja gagwe e lego, goba seo a lego fa bakeng sa sona, goba—goba seo a se nyakago, goba se sengwe boka seo, goba se a se dirilego, goba se a bego a swanetše go be a se dirile, goba se sengwe boka seo, gona, gomme a nke a be mahlodi ge eba ke nnete goba aowa. A seo se ka kgodiša yo mongwe le yo mongwe gore Jesu Kriste o a swana maabane, lehono, le kagosafelego?

<sup>216</sup> Re tla bolela seng sa rena, feela nakwana, gobane, homolang, le a bona. Moya wo Mokgethwa o boi kudu, gomme ke no bolela le lena boka Morena wa rena a dirile mosadi mo sedibeng.

<sup>217</sup> Bjale, le a bona, e ka se be nna, gobane ga ke le tsebe. Eupša, le a bona, ke nna mmele wa nama, o mmele wa nama; eupša ka gare ga gago ke moyo le soulo, ka gare ga ka go moyo le soulo. Gomme ka gona ge Moya wo ka gare ga ka, ge e le Moya wa Kriste, le a bona, gona, le mpho ye ke tswetšwego . . .

<sup>218</sup> Go no swana le ge o ka ya go robala le go lora e ka ba eng, o tla lora toro. Bjale, le a bona, dikwi tše tlhano tše di swanetše go se šome, gomme ka gona o godimo mo ka nageng ya toro. Gomme ka gona ge dikwi tše tlhano tše di etla go šoma gape, o phafogile, le a bona, gobane letsvalo la gago la magareng le ntentle go tloga go letsvalo la gago la pele.

<sup>219</sup> Eupša ge bobedi a le thwi mmogo, ga o ye go robala, o no phuleletša ka go yeo. Le a bona? O sa le ka dikwing tše tlhano tša gago. O a kwešiša? Yeo ke mpho, moo, ke mpho ya seprofeto, gore bohlatse gore Kriste o sa swana. Le a bona? Le a bona?

<sup>220</sup> Re na le badiredi ba ba hlahlilwego ka Lentšung. Re na le ba go fapano, monna bjalo ka Oral Roberts, yo a sa tšwago go bea diatla godimo, gomme a šišinya batho, le go re, “Šegofatšang Modimo, le no e amogela.” Le a bona, gomme o no ba yo mongwe wa bona a swantšhitšwe ka digobagoba ka yona. Le a bona, yoo ke monna wa Modimo, le a bona, go beng fale go mohuta wo mongwe woo o sa dirego seo, eupša ba dira se sengwe gape. Yohle

ya yona ke dimpho tša Moya; baapostola, baprofeta, le badiša. Le dumela ka go seo, a ga le?

<sup>221</sup> A o a dumela Modimo o nthomile go dira seo? [Kgaetšedi o re, "Ke a e tseba."—Mor.] O a dira. Ke a go leboga, kgaetšedi. Ee, mohlomphegi. Gobaneng ke go biditše 'kgaetšedi'? Gobane, ge o boletše seo, ke ikwetše Moya o re yeo ke nnete.

<sup>222</sup> Bjale o mo, gomme ke a go bona bjale; batho ba sa kgona go nkwa. Mosadi o na le nako ya go se robale. Ga a kgone go robala. Yeo ke nnete. Kudu . . . o a babja, le gona, ga o kgone go ja, o babja kudu. Feelā . . . Gomme o a boifa ke maswika a sabohloko. Yeo ke nnete. Yeo ke tlwa. O nepile. Balwetši, maikutlo a go belekega. Yeo ke nnete. Gona o—o . . .

<sup>223</sup> Go na le yo mongwe gape yoo o nago le kgahlego go yena. Yoo ke wa gago, yoo ke monnamogatša wa gago. Gomme o na le mo—mo—mo mohuta wa—wa letšhogo, letšhogo la monagano, mohuta wa go tšhoga monagano ka kgonthe. Gomme o tshwenywa ke mohuta tsoko wa bothata a lego ka go bjona. O leka go hwetša se sengwe, se sengwe, mo—mo mošomo wa kgwebo, ke phenšene goba se sengwe a lekago go se hwetša. Yeo ke nnete, phenšene a lekago go e hwetša. Yeo ke yona. Ee, mohlomphegi, phenšene. Gomme ka gona go na le . . .

<sup>224</sup> Ke bona mošemane yo monnyane, a ka ba bogolo bja mengwaga ye lesomepedi, goba se sengwe boka seo. O no ba moisa yo monnyane, gomme ka kgonthe ga se morwa wa gago. Yena ke—yena ke . . . O mo godišitše, gomme go ne se sengwe o se naganago, seo, yena, se sengwe se fošagetše ka yena. Ga a gona. O no ba mošemane yo monnyane. O tla ba gabotse. Kgonthe. Go lokile. Dumela selo sa maleba. Se sengwe le se sengwe se tla loka. Sepela, o e dumela. Modimo a go šegofatše, kgaetšedi.

<sup>225</sup> Gale, a o a dumela Modimo a ka mpotša ke wena mang? A o a dumela gore Modimo a ka mpotša ke wena mang, mohumagadi? Mdi. Red, ke yo o lego. Yeo ke nnete.

<sup>226</sup> Morwa, go lokile. O tshwenyega ka rakgadi wa gago. O naganne se sengwe se be se diregile, eupša ga se sa ke. O no ba mošemane yo monnyane. Ga o re go dira seo. Eya pele, o tla ba gabotse. Amene.

<sup>227</sup> Nna, ka fao Moya wo Mokgethwa o tla ratago go phuleletša go seo! Le a bona?

<sup>228</sup> O dira bjang? Ge Moya wo Mokgethwa o ka mpotša se bothata bja gago e lego, o a ntumela gona, a o tla? [Kgaetšedi, o re, "Ke a dumela."—Mor.] O a dumela. Go lokile. O na le se—se seemo sa letšhogo. O rora ka hlogong ya gago. "Oo-oo-oo" go ya ka mokgwa woo nako yohle. Seo ke therešo. Ka gona o ile wa lekolwa bakeng sa sehloga, gomme ba hweditše sehlogi se ka gare ga lelalegolo. A o dumela ka pelo ya gago yohle bjale? ["Ee."] Yeo—yeo ke nnete. Eya pele tseleng ya gago, o dumela, o tla fola . . . ? . . . Modimo a go šegofatše. Go lokile. Le a bona? . . . ? . . .

<sup>229</sup> A o dumela ka pelo ya gago yohle? [Kgaetšedi o re, “Ke a dira.”—Mor.] E no ba le tumelo. Se belaele. Dumela gore Jesu Kriste, wa go swana maabane, lehono, le go ya go ile. Ke motho yo moswa yo o lego mo ka yena. Aowa, ke ba babedi. O na le barwedi ba babedi, gomme bobedi ba na le go robega ga megalatšika, boka. Yeo ke nnete. Morena Modimo, gaogela bona bana. A o a dumela ge nka no . . . Ge nka bolela Lentšu la Gagwe, a o a dumela ba tla tšwela ka ntle ga yona? [“Ke a e tseba.”] Gona sepela, e amogele. Modimo a go šegofatše.

“Ge o ka kgona go dumela, dilo tšohle di a kgonega.”

<sup>230</sup> O dumela go yona, a ga o? O dumela ka pelo ya gago yohle? A o dumela lesea lela ka bothata bjola bja mogolo le tla ba gabotse? Go lokile, o ka ba le lona, mohlomphegi. Ke bona mosadi yola a panya fa, le morago fale, le fa, gomme ke naganne, “E be e le eng?” A dutše fale a rapediša lesea la gagwe. Go lokile, le tla e fenya. Go tla loka. O se e belaele.

<sup>231</sup> A o dumela ka pelo ya gago yohle? A o dumela gore Jesu Kriste, wa go swana maabane, lehono, le go ya go ile? Ge Morena Jesu a ka nkutollela seo bothata bja gago e lego, o tla Mo dumela? O na le seemo sa letšhogo, ditlhakahlakano; nnete, mosadi mengwaga ya gago. Eupša, efela, selo se segolo sese, ke sehloga. A o a dumela Modimo a ka mpotša moo sehloga se lego? Se godimo ga letswele la gago la nngele. A yeo ke nnete? Go lokile. Sepela, e dumele, gomme se tla tloga.

Eba le tumelo go Modimo. O se belaele.

<sup>232</sup> Ke bone se sengwe sa go šegofala se direga, gomme se sengwe sa go šiiša se direga, feela nako yeo. “Go obamela go kaonana go phala sehlabelo, go kwa go phala go (Eng?) makhura a dikgapa.” A yeo ke nnete? Morena Jesu, eba le kgaogelo. Nna, oo, nna! Go obamela, tlhokofalo le go obamela; ka fao Morena Jesu a dirilego se sengwe feela nako yeo! Ke ya go le botša feela mo motsotsong.

E no dumela. O se belaele.

<sup>233</sup> O a dumela Modimo o tla go fodiša fao, kgaetšedi a aperego roko ye nnyane ye serolvana, a dutšego fale a rapela? Gabotse, go lokile, o a e amogela.

E no ba le tumelo. O se belaele. Dumela.

<sup>234</sup> O dutše thwi morago kua ka mothalong wola wa bobedi, o na le bothata bja mogolo, le wena, mohumagadi yola a lebeletšego thwi mo go nna. A o a dumela gore Jesu Kriste o tla go dira o fole? O a dira? Ee. O ile wa swanela go emelela, go fa yo mongwe lefelo go tšwela ntle. Metsotsa ye mehlano gape, gomme o ka be o fodišitše. O e fošitše, eupša o e hweditše. O ka kgona go ba le kgopelo ya gago bjale. E a go tlogela.

<sup>235</sup> A o a dumela gore Modimo a ka kgona go go dira o fole? [Kgaetšedi o re, “Ee, mohlomphegi.”—Mor.] A o a dumela gore Modimo a ka kgona go mpotša gore bothata bja gago ke eng?

[“Ee.”] O na le bolwetši bja swikiri. Monnamogatša wa gago o fa le yona, le yena, a ga a? [“Ee, mohlomphegi.”] Yeo ke nnete. Bobedi bja lena le fole. Sepelang, e dumeleng ka pelo ya lena yohle.

<sup>236</sup> Asma, letšhogo. A o a dumela Modimo a ka go dira o fole? O e dumela ka pelo ya gago yohle? A nke ke bee diatla godimo ga gago ge o feta kgauswi. Leineng la Jesu Kriste, a nke a fodišwe. E fe.

<sup>237</sup> Atheraithisi. A o a dumela gore Modimo o tla go dira o fole? [Kgaetšedi o re, “Ee, ke a dira.”—Mor.] Gabotse, nno sepela, o re, “Ke a Go leboga, Morena Modimo. Ke dumela ka pelo ya ka yohle.” Ee, mohlomphegi.

<sup>238</sup> Oo, nna! Letšhogo, atheraithisi, mogodu. E no dumela ka pelo ya gago yohle. Eya pele, o re, “Ke a Go leboga, Morena, go ntira ke fole.”

<sup>239</sup> Le a tseba, madi ke moo bophelo bja rena bo lego, a ga se gona? Eupša Modimo a ka kgonia go fodiša eng kapa eng (a o dumela seo?), madi, eng kapa eng gape. Go lokile, go fedile. Sepela, o re, “Ke a Go leboga, Morena.” Sepela, dumela ka pelo ya gago yohle.

<sup>240</sup> Go ka reng ge nka no bea diatla godimo ga gago, gomme ka re, “Morena a go šegofatše,” a o tla dumela gore o tla fodišwa? Etla go kgabola, gona, o a bona. Leineng la Jesu Kriste, Modimo, mo dire a fole. Eba le tumelo.

<sup>241</sup> Ga se ka ke ka tsoge ka bona batho ba bantši bjalo yo... Mohumagadi yo mo o na le atheraithisi, le yena, ditlhakahlakano, dilo. Ya, yeo ke nnete. A o a dumela Modimo o go dira o fole? Go lokile. Eya pele, o re, “Ke a Go leboga, Morena Jesu.”

<sup>242</sup> Ke ba bakae ntle fale ba nyakago go dumela bjale? “Motho a ka se phele ka borotho bo nnoši, eupša ka Lentšu le lengwe le le lengwe le tšwago molomong wa Modimo.”

<sup>243</sup> A o dumela gore molomo wa Modimo o boletše se, mo...? Jesu Kriste ke Modimo nameng. Re tseba seo. Ga go ngangišano ka seo. O be a sa no ba moprofeta; O be a le Modimo, Modimo a dirilwe go bonagala nameng. Selo sa mafelelo A se boletšegeo, go ya ka Ebangedi, ge A tlogetše lefase, “Maswao a a tla latela bona ba ba dumelago. Ge ba bea diatla tša bona go balwetši, ba tla welwa ke maruru.” A o dumela seo ka pelo ya gago yohle? Bjale ke badumedi ba bakae ba lego mo? Phagamišetšang diatla tša lena godimo. Go lokile.

<sup>244</sup> Bjale ke nyaka le dire se sengwe. Ke ba bakae mo ba nago le se sengwe sa phošo ka bona, seo ba nyakago go rapelelwā? Phagamišetšang diatla tša lena godimo. Bjale, go lebega o ka re yo mongwe le yo mongwe. Bjale, sese se le se dirago. O šomiša tumelo ya gago, ke tla diriša tumelo ya ka, gomme re tla dira

kopano (go ba thari) ka Modimo. Gomme ka gona a o ka rapelela motho yo a nago le diatla tša bona di beilwe godimo ga gago? Gobane, ba ya go be ba go rapelela, le a bona, wena.

<sup>245</sup> Boka, boka fa go be go le yo mongwe, ba bile le diatla tša bona go nna, ke ne diatla tša ka go bona; Ke a ba rapelela, ba a nthapelela. Ke re, “Morena, ke nna modumedi. Mohumagadi yo, mokgomana yo, mošemané yo, mosetsana, e ka ba eng, o a tlaišega. Hle, Morategi Modimo. Ke a tlaišega, ke tseba se ba se kgabolago. Ba fodiše, Morategi Modimo.”

<sup>246</sup> E ba go hlokofala ka botebo bjale, e ba go hlokofala ka botebo, gomme e no rapela bjalo ka ge o ka nyaka ba go rapelele. Le a bona? Dirang go ba bangwe bjalo ka ge le ka rata le ba bangwe go dira go lena. Bjale rapelela motho yo o beilego seatla sa gago godimo ga gagwe, feela ka tsela ye o ka nyakago Jesu go go rapelela, le a bona, gomme šetšang se se diregago. Le a bona, Lentšu la Modimo le ka se palelwe. A yeo ke nnete? Ke Therešo. Lona, le no se kgone go palelwa.

<sup>247</sup> Bjale, bjale selo sa pele re se dirago, a re nong go leta nakwana feela gomme re ipolele gosedumele ga rená gohle. A nke... Re ipolele dibe tša rená tšohle, re ipolele tšohle re kilego ra di dira, yeo tše di lego phošo. A re nong go re, “Morena Jesu, ntshwarele.” A nke... Ke nyaka ye go ba kopano ya kgonthé moo Jesu Kriste a ka bonagatšwago, Jesu Kriste go godišwa. Bjale ge ke sa bolela le wena, e no ipolela se sengwe le se sengwe, e re, “Morena, ke—ke bile le dipelaelo tše ntši. Eupsa thwi fa ka Bogoneng bja Gago bošegong bjo, ge ke—ke ema le go bona sona selo seo se sa palelwego ka go felela ntle le Wena, ga go yo a ka kgongago go dira seo.”

<sup>248</sup> O tla lewa ke hlong go se bitša “moya wo mobe,” gobane seo ga se lebalelwé, le a bona. Le a bona, Jesu o boletše bjalo. Go bitša mošomo wa Moya wo Mokgethwa, wo Beibele e boletšego gore O tla o dira, ka gona wa o bitša moyá wo mobe, gona ke... gona seo ga se lebalelwé. Le a bona?

<sup>249</sup> Kafao o re, “Ke eme thwi fa bjale, go tsebeng seo, go dula fa,” e ka ba maemo afe o lego ka go ona, “go tsebeng gore, gore—gore—gore O fa. Gobaneng, o ka se kgone go dira dilo tše... Gomme bjale, Ngwanešu wa rená Branham, o no ba le tumelo go dumela gore Lentšu la Gago ke therešo, gomme o na le mpho. Ke na le mpho, le nna, mpho ya lerato la Gago. Ke na le mpho ya Moya wa Gago ka go nna. Ke na le mpho ka go nna, gomme ka go mpho yeo ke phodišo. Bjale, ke—ke kgopela phodišo bakeng sa bagwera ba ka ba go babja ba dutšego mo. Ke kgopela phodišo, gomme ba ya go nkgopelela phodišo. Bjale Ntshware dibe tša ka. Gomme, Morena Jesu, ge ke dirile goba ke boletše e ka ba eng ya phošo, ntshwarele. E utolle go nna, Morena, ke tla ya go e lokiša. Ge O ka no e utolla le go mpontšha se ke se dirilego phošo, ke tla ya go se lokiša.”

<sup>250</sup> Gomme ke a rapela bjale bakeng sa kgaogelo bakeng sa batheeletši ba. E fe, Morena. Eba le kgaogelo godimo ga balwetši le batlaišwa. Batho bale ba fa ba rapela. Ba a dumela. Ba Go bone o le gona. Ke Go bone, Morena. Rena bohle re bone bjona bohlatse bja Modimo yo a phelago.

<sup>251</sup> Re lebetše bokgole bjo. Re ile ka maatla kudu, Morena, ka lehlakoreng le lengwe, ka lehlakoreng la motswako, dikerekemaina, le dithutotumelo, le dikereke tše kgolo, le tlhokomelo ya letšatši. Rena Mapentecostal, Morena, re Go bone o dira bontši kudu, go fihla re no ikala renabeng kgole go tloga go Wena, go nyakile. Go—go a šokiša, Tate. Re swarele go selo se. Re bone bontši kudu ge ka go iketla go etla godimo go se, go fihla rena, gabotse, re—re sa no lebala ditšhegofatšo, Morena. Re lebalele, le go re thuša. A O tla dira, Morena?

<sup>252</sup> Bjale eba le kgaogelo, gomme a nke Moya wo Mokgethwa wo mogolo, wo o lego gona bjale, o tsee taolo ya modumedi yo mongwe le yo mongwe ka mo. Gomme bjale, bjalo ka mohlanka wa Gago, ke rapelela motho yo mongwe le yo mongwe a babjago fa. Ke—ke a Go kgopela, Morena, go laela diatla tše di tla bewago godimo ga balwetši. A nke—a nke maatla a Moya wo Mokgethwa a be godimo ga yo mongwe le yo mongwe wa banna ba, basadi, bašemane le basetsana, ge re dutše mmogo, Morena. Batho ba ba dutšego mo, ba a babja, Morena, gore ba tla . . . Ba tlide ntile mo go fola. A nke ba tle gosasa bošego, gabotse. E fe, Morena, hle dira. Ekwa thapelo ya ka. Ke—ke rapela ka pelo ya ka yohle, gore O tla e dira, go ipolela se sengwe le se sengwe seo ke tsebago seo se fošagetše. Gomme bjale re thuše, gomme bjale a nke Moya wo Mokgethwa o tsee taolo. Gomme batho ba ba Bea diatla tša bona godimo ga yo motee go yo mongwe, a nke ba dirwe gore ba fole, thwi bjale. E fe, Tate, ka la Jesu Kriste Leina.

<sup>253</sup> Gomme bjale, Sathane, ke a go laela, ka Madi a Jesu Kriste, Madi ale a go lekanelo gohle; gore ka Bophelo bjola bo bego bo le ka Mading ale, bjo bjale bo lego ka dipelong tša rena, re fetotšwe go tloga go se re kilego ra ba, go ya go Bakriste. Re kile ra ba bakamaki, bjale re badumedi. Dibe tša rena di ka tlase ga Madi.

<sup>254</sup> “Yo a tla ipolelago dibe tša gagwe o tla ba le tebalelo.” Re ipoletše dibe tša rena, gomme re na le tebalelo. Bjale re a ema, e sego gape . . . Dibe tša rena di ka Lewatleng la Bolebadi. Re ka se sa pharwa molato wa sebe. Re ipoletše sona. Re dirile dilo gabotse. Gomme bjale legaga le legolo, leo le bego le le magareng ga rena le Modimo, le tlošitšwe. Modimo o beile sebe ka go Lewatle la Bolebadi. A ka se tsoge a re gopola gape bjalo ka badiradibe. Ga re sa le badiradibe. Re barwa le barwedi, gomme bjale re mo bakeng sa tokologo bakeng sa nama. Gomme ka gobane re badumedi, Lentšu le rile, Lentšu, Lentšu leo Kriste a re tlogelatšego, o rile, “Maswao a a tla latela bona ba ba dumelago. Ge ba Bea diatla tša bona go balwetši, ba tla welwa

ke maruru.” Gomme se re se dira, ka tumelo re a se dira, Leineng la Jesu Kriste.

<sup>255</sup> Bjale, motho yo mongwe le yo mongwe ka fa, bea diatla tša gago go yo mongwe hleng le wena. Bea diatla tša gago go yo mongwe hleng le wena, gomme bjale o re:

<sup>256</sup> “Sathane, ke a go laela. Ke a go laela, Sathane, Leineng la Jesu Kriste, lokolla mogwera wa ka. Tšwela ka ntle ga fa. O fentšwe. Mogwera wa ka o fodile. Ke a dumela Jesu Kriste bjale o a mphodiša, go hlompha Yena, go tliša tumišo.”

<sup>257</sup> E dumele ka pelo ya gago yohle, soulo ya gago yohle, monagano wa gago wohle, gomme Modimo Ramaatlakamoka o tla e fa. Modimo a go šegofatše.



*GO NE TSEL A E NNOŠI E FILWEGO KE  
MODIMO BAKENG SA E KA BA ENG* NST63-0731  
(There Is Only One Way Provided By God For Anything)

Molaetša wo ka Ngwanešu William Marrion Branham, setlogong o abilwe ka Seisimane ka Laboraro mantšiboa, Julae 31, 1963, ka Marigold Center ka Chicago, Illinois, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlatlatšwa ke Voice Of God Recordings.

NORTH SOTHO

©2024 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)